

晉

政

輯

要

晉政輯要卷之十九

禮制

典禮一

等銀

朝賀○附進表什物撰表紙張

凡恭逢

元旦

皇太后萬壽聖節

皇帝萬壽聖節

長至節先期巡撫兼管提督具慶賀表文

卷查表文係由

內閣撰擬定式頒發○向章巡撫行巡捕官將式稿二本銜名帖一道齎赴藩司衙門轉發撰

表處繕寫務須紙張潔淨字畫端楷祇匣鮮明用黃綾大包祇敬謹包好仍用好黃紙並黃棉花塞滿毋致搖動擦損綏遠城將軍歸化城副都統太原

鎮總兵大同鎮總兵各具慶賀表文

正副各四篇 彙

送巡撫彙差承差

向章巡撫諭中軍官選擇吉祥姓名承差二名行按察司

取火牌填給該差馬二匹口糧二分

分行陽曲縣移知下站一體應付 齎送禮部恭

進○巡撫布政使按察使太原城守尉各具賀摺

並具請

安摺

向例賀摺用黃綾面黃紙心紅紙裏奏封黃面紅裏請

安摺封黃面紅裏 各專差

齎送奏事處恭

進○屆期省會暨各城各府廳州縣文武各官均

各於

萬壽宮

或於公所行禮如儀通禮內載省會守土官豫於公所正中恭設皇帝萬

歲龍牌於亭南向設香案於亭之南其日五鼓  
有司設燎於庭設燈於門廡以道員或府同知  
一人糾儀學弟子員二人通贊二人引班階下  
東西班位將軍總督加將軍銜提督爲一班巡  
撫副都統提督學政爲二班總兵官協領參領  
鹽政織造督關郎中布政使按察使各道爲三  
班佐領督關員外郎知府副將參將爲四班防  
禦督關主事司庫同知通判遊擊都司爲五班  
驍騎校知州知縣教官由科目出身之鹽大使  
守備爲六班筆帖式庫使經歷州同州判縣丞  
鹽大使千總等官爲七班遇有欽差人員  
一二品大臣列第一班之首三品以下京堂列

第二班之首五品以下部院官均列第二班之末滿洲蒙古漢軍分左右翼漢官文東武西立位東西而北上拜位北面東班西上西班東上重行異等糾儀官位班行之北通贊引班位糾儀官之南皆東西面夜漏未盡朝服畢會贊明引班引入至丹墀內東西序立通贊贊齊班引班分引至拜位前立贊進少進贊跪叩興羣官行三跪九叩禮畢引退若府不附省州縣不附府者在城文武官於公所按班行禮均如省會儀府用同知或通判如無同知通判用教官一人州縣均用教官一人糾儀○又載直省文武官恭遇 皇太后萬壽聖節率所屬集公所行禮與 皇 帝萬壽聖節儀同

附 進表什物撰表紙張等銀

陽曲縣支進表什物銀二兩二錢五分

誠三成銀六錢

七分實支銀一兩五錢七分五釐在於該縣地丁項下留支

五釐○卷查進表什物尙有陽城縣於地丁內徵銀

五十三兩九錢七分六釐沁水縣於地丁內徵

銀二十一兩二分四釐均○陽曲縣撰表生員

起運布政司庫入冊報撥○陽曲縣撰表生員

支紙張工料銀卷查提督衙門每年應進

每節工料銀五兩四錢八分除減平外實領銀

五兩一錢五分一釐六節共領實銀三十兩九

錢六釐又每年應領購買四十八兩九錢六釐

表文紙張銀一十八兩河東道奏銷冊

在於外銷生○運城支油燭銀開恭逢

息項下動支皇上萬壽聖節共支油燭銀二兩

皇太后入釐元旦支油燭銀七錢九分二釐冬至

支油燭銀三兩一錢八分一釐在於河東鹽務

三錢一釐雜款項下動支

典禮二 迎

詔○附刊刻膳黃條例工價

凡

詔下之禮禮部將應頒山西巡撫

寶詔一道並附帶轉頒綏遠城將軍歸化城副都統

太原鎮總兵大同鎮總兵膳黃四道敬謹封固

交兵部由驛頒發

會典內載康熙二十一年題準頒直省滿漢督撫

書於內閣中書翰林院筆帖式行人司官內酌

委齋送其頒行將軍提督等膳黃

付齋送督撫官員帶往

膳黃不用齋

部大堂掣籤分遣齋送○恭查道光十五年九

月奉

上諭向來頒詔俱派中書筆帖式

等員齎赴各省嗣後著由驛頒發毋庸派員前往欽此。○卷查歷屆

頒詔綏遠城將軍歸

化城副都統太原大同鎮總兵膳黃四道由禮

部咨交巡撫轉行頒發。○又查

登極寶詔

先期由布政使委員前往入境

巡撫率文武官

首站之平定州恭迎齎捧至省

耆老軍民跪迎宣讀跪受如儀即將附帶膳黃

四道敬謹分送

卷查

登極

其文武各衙門

應頒膳黃行布政使司敬謹刊刻分送

恭查向

鹽政學政臬司太原右衛兩城守尉冀甯雁平

河東歸綏四道撫標左右兩營太原營殺虎口

監督殺虎口驛傳道由布政使徑送其各府廳

州縣由布政使咨交四道轉頒各協營汛由布

政使咨交兩鎮轉頒。○又查

登極膳黃提

督鹽政學政臬司太原右衛兩城守尉冀甯雁



平河東歸綏四道撫標左右兩營太原營殺虎  
口監督殺虎口驛傳道殺虎潞安蒲州三協九  
府七廳十直隸州由布政使委員分送  
各州縣各營汎由各府州委員分送  
掛宣布軍民會典內載恩詔下出郊以迎  
註云詔下直省所過府州縣五里之內文  
武官朝服跪迎軍民伏道右候過省會有司豫  
於公廨設詔案香案案東設臺詔及  
郊備龍亭旗仗出迎使者承詔書以架恭  
奉安置龍亭內乘馬後隨鼓樂前導文武大僚  
率所屬官朝服出迎道右跪候過興先至公廨  
門外序立紳士耆老軍民咸集詔至門跪  
迎如利使者下馬隨龍亭入衆隨入使者奉  
詔書陳於案退立案東西面引禮生引各官  
就位班次如朝賀儀紳士在文官之末耆老軍  
民在武官之末通贊贊跪叩興衆行三跪九叩  
禮贊宣詔使者奉詔授宣詔官

復位立宣 詔官跪接登臺展 詔書官

一人從升均西面展 詔書宣讀訖復於案

退衆聽贊復行三跪九叩禮使者以 詔授

督撫騰黃恭鐫頒學政鹽政織造管關兩司道

府轉頒所屬州縣衛將軍提鎮協參轉 奉到

頒所屬營汛至日宣布軍民均如儀

詔書日期並騰黃頒布緣由由巡撫恭疏題報原頒

寶詔 恭查 登極寶詔由布政使委 由驛齎送禮

員恭送至出省首站之鳴謙驛

部恭繳內閣

附刊刻騰黃條例工價

刊刻騰黃條例工價銀四百三十三兩 卷查乾

年奉部行令將部頒條例隨時刊刻經布政司

議詳在於各州縣繁費銀內每兩提銀一分共

提銀一百七十六兩二錢以爲刊刻條例之需  
乾隆二十八年裁汰清源平順二縣減去銀三  
兩實提銀一百七十三兩二錢有餘不足下年  
截補○又查乾隆三十八年布政使議詳刊刻  
膳黃亦在於各州縣繁費銀內每兩提銀一分  
五釐共提銀二百五十九兩八錢以爲刊刻膳  
黃之需有餘不足下年截補○又查嘉慶二十  
五年巡撫成格奏準查辦攤捐各款清單內開  
一每年刊刻條例膳黃應需工價例無開銷於  
乾隆十九三十八等年在於各州縣繁費內攤  
捐銀四百三十三兩仍令照常攤解○又查道  
光元年五月巡撫成格奏準刪減攤捐清單內  
開一每年刊刻條例膳黃應需工價等  
銀四百三十三兩在於生息項下動給

典禮三 呈 進方物○附皮腴價並差費

凡巡撫每年呈

進方物二次○每屆冬至節於十月內呈石花冰差武弁

魚九十尾保德州承辦○每屆年節於十一月內呈天

馬皮一千張青白肫皮一千張豬胰五十匣舊章

陽曲縣承辦○卷查光緒九年四月巡撫張批令改歸中軍參將敬謹承辦○又查光緒

十年五月陽曲縣李義銘呈送貢皮分寸尺樣

清摺內開天馬皮每張長五寸一分寬二寸二分青白肫皮每張長九寸二分珍珠毛皮一千

上寬二寸二分下寬四寸一分張絳州承辦羊羔皮一千張交城縣承辦黑白朔鼠皮一

干張飛羅麪四箱

均朔州承辦

葡萄乾三箱

文水縣承辦

藕粉五十匣

太原縣承辦

石花冰魚五十尾

保德州承辦

附皮胰價並差費

撫標中軍參將承辦皮胰價銀一千五百兩

舊例

由陽曲縣承辦不領款○卷查光緒七年巡撫

衛批準署布政使松椿詳在於外銷生息

項下撥給陽曲縣皮胰貢銀二千三十兩○又

查光緒九年四月巡撫張批陽曲縣皮胰

貢改歸中軍參將承辦工料銀兩至多不得過

一千五百兩所有節省銀五百兩由該中軍官

另款存儲作為公款遇有要需稟請批示動撥

○又查光緒十一年十二等年中軍參將烏爾

棍泰英華瑞璋先後詳稱營中現無要需節省

銀兩未便請領惟承辦皮胰貢請領銀一千五

百兩一千五百  
五十兩不等  
○貢差費銀五百兩  
撫奎批准清源局司道詳通計外銷出入款  
項酌量裁改清單內開年終貢差費銀五百兩  
在於外銷生  
息項下動支  
卷查光緒

附載舊例 榆次西瓜○永濟柿霜

西瓜六百四十箇 榆次縣志內載瓜出東西中三郝村始未有名康熙中

車駕幸晉巡撫鳴禮以進御遂著為令歲

貢瓜六百四十嘉慶三年奉 上諭免其

半每歲正貢二百隨貢一百○卷查光緒六年

正月巡撫曾 奏準查太原府屬之榆次縣

自康熙年間歲定例 貢西瓜六百四十箇向

由該縣之東郝西郝中郝三村採辦嘉慶三年

奉 旨減免一半每歲正貢二百箇隨貢

一百箇歷經遵辦在案伏查貢瓜三百所值無

幾而里胥苛派道路盤費民間苦累歲逾千金

比至京都或霉壞生釘不可復食值茲大祲之

後錢糧正賦尙蒙 聖恩蠲免似此瓜果微

貢無損於 上有益於下尤為 仁政所

必及據善後局司道詳請具奏前來合無仰懇

天恩俯準將榆次縣三郝村瓜貢三百箇

永遠蠲免出自 鴻恩奉 柿霜五十匣

旨著照所請該衙門知道欽此

向例由永濟縣承辦隨年貢呈 進○卷查光

緒六年八月二十六日護理巡撫葆亨奏準查

蒲州府屬之永濟縣例 貢柿霜自光緒元年

欽奉 上諭停止三年迨至四五等年歷屆

貢期因晉省連年荒旱該縣被災最重產柿

稀少無從採辦均由該縣先後稟經臣曾國荃

批飭暫行展緩在案本年又屆 貢期應辦柿

霜照章飭令先期採購以符定制去後茲據永

濟縣知縣鄭灝稟稱該縣察看產柿各村均因

前值大祲民間無可充饑始而採取柿葉繼且

剝食樹皮賸幹殘枝多成枯木年來率供薪爨

現存柿樹寥寥無幾災後村民零落未能即時

補種所有該縣例 貢柿霜實屬驟難採辦呈

請籲懇 恩豁免等情由署藩司松椿詳請具

奏前來臣覆加查訪委係實在情形可否仰懇

天恩俯念災區刻艱準將永濟縣例 貢



柿霜俟該縣補種蕃茂產柿豐饒造霜有資再  
行照常呈進抑照榆次縣瓜貢一律豁免出  
自逾格鴻施奉旨著  
準其豁免該衙門知道欽此

典禮四 受朔○附時憲書工價

凡受朔之禮每年四月間布政使準欽天監頒到來歲時憲書成式交經歷或照磨按年輪流

依式刊造

連四紙看書九百一十二本大京文紙看書六百三十本小京文紙看書

一千九百本改連紙看書五千四百一十二本河西小組紙看書四萬六千八百本共四萬九千四百六十二本十月初日頒發文武各官本數各有等

差受書禮節均遵定制舉行

通禮內載頒之禮欽天監預

推來歲時憲書成式二月恭進

御覽乃鐫

於版四月驛送直省各布政司依式刊造均以歲十月朔日頒行○又載歲屆頒朔之日各省會總督若巡撫率在城文官將軍率在城武官

受朔是日首縣於督撫署內向闕列屏設案  
布政使以所刊時憲書設於龍亭鼓吹前導昇  
諸公署恭陳於案質明文武官朝服畢會通贊  
贊齊班引禮二人引各官文武西重行異等  
以品爲序成就拜位北面立如朝賀之儀贊跪  
叩興衆行三跪九叩禮興以次祇受時憲書畢  
各退布政使分發專城之道轉行所屬州縣衛  
分駐之提鎮協轉行所屬標營到日行禮祇領  
與省會同遂通省縉紳應發憲書無定數按年  
頒布於民間由地  
方官開送照發民用憲書每州縣各給十本作爲書式  
聽坊賈刊刷賣用卷查乾隆十一年二月布政  
使陶正中奏準山西通省地  
方遼闊官印憲書勢難周遍其民用憲書準每  
州縣各給十本作爲書式聽匠役坊賈人等就  
近刊刷仍於面頁上額添刻司頒監本字樣自  
行價賣以便民用不必鈐蓋州縣印信以免擾

累

附時憲書工價

每年刊造時憲書額支工價銀八百四十八兩

三錢六分一釐

減三成銀二百五十四兩五錢八釐

實支銀五百

九十三兩八錢五分三釐

遇閏之年額支銀八百九十五兩四錢三

分六釐減三成銀二百六十八兩六錢三分八

釐實支銀六百二十六兩七錢九分八釐○卷

查各州縣每年在於地丁項下額徵時憲書紙

價銀一千一百四十一兩四錢六分二釐乾隆

二十八年裁汰清源平順二縣減去銀十八兩

八錢實額徵銀一千一百二十二兩六錢六分

二釐內太原府屬陽曲縣銀三兩九錢二分

五釐太原縣銀一十四兩三錢一分二釐榆次

縣銀八兩六錢四分太谷縣無祁縣銀一十二兩徐溝縣銀六兩六錢三分三釐交城縣銀九錢二分文水縣銀二十兩四錢岢嵐州銀三兩四錢九分嵐縣銀四兩三錢興縣銀三兩九錢五分路安府屬長治縣銀四十一兩七錢八分長子縣銀一十五兩八錢屯留縣銀二十二兩六錢三分襄垣縣銀六兩八錢潞城縣銀二十四兩六錢二分壺關縣銀二十四兩三錢三分五釐黎城縣銀一十八兩五錢三分三釐汾州府屬汾陽縣銀一十兩孝義縣銀二兩二錢三分平遙縣銀一十五兩六錢二分四釐介休縣銀三十四兩石樓縣銀六兩四錢八釐臨縣銀五兩九分五釐永甯州銀一十四兩一分甯鄉縣銀五兩二錢澤州府屬鳳臺縣銀四十三兩七錢六分高平縣銀四十兩四錢九分六釐陽城縣銀二十四兩二錢五分陵川縣銀二十四兩六錢沁水縣銀一十六兩三錢三分一釐遼州併屬無沁州屬沁州銀一十五

兩沁陽縣無武鄉縣無平定州併屬平定州  
銀五兩二錢壽陽縣銀六兩八錢七分孟縣銀  
一十一兩九錢四分二釐大同府屬大同縣  
銀三兩濠仁縣銀三兩渾源州銀三兩應州銀  
三兩山陰縣銀二兩陽高縣銀三兩天鎮縣銀  
三兩廣靈縣銀三兩靈邱縣銀三兩朔平府  
屬右玉縣銀三兩朔州銀三兩左雲縣銀三兩  
平魯縣銀三兩甯武府屬甯武縣銀一兩神  
池縣銀一兩偏關縣銀一兩五寨縣銀一兩  
忻州併屬忻州銀一兩六錢四分定襄縣銀六  
兩一錢靜樂縣銀三錢八分四釐代州併屬  
代州銀一十三兩三分五毫縣無崞縣銀一十  
兩繁峙縣銀六兩三錢六分保德州併屬保  
德州銀二兩六錢七分五釐河曲縣銀二兩三  
錢全數解司由司勒給紙價外餘存銀兩報撥  
充餼平陽府屬臨汾縣銀三十七兩一錢四  
分入釐洪洞縣銀二十兩三錢浮山縣銀四兩  
九錢一分六釐岳陽縣銀九兩五錢九分九釐

曲沃縣銀四十九兩九分六釐翼城縣銀一十八兩六錢三分六釐太平縣銀一十三兩六錢九分九釐襄陵縣銀一十七兩四錢八分汾西縣銀一十八兩四錢三分吉州無鄉甯縣銀四兩三錢四釐蒲州府屬永濟縣銀二十兩二錢八釐臨晉縣銀一十九兩一錢九分四釐榮河縣銀一十四兩二錢九分四釐虞鄉縣銀一十九兩一錢九分四釐萬泉縣銀二十二兩二錢二分七釐猗氏縣銀一十一兩七錢六分七釐解州併屬解州無安邑縣銀一十九兩五錢九分三釐夏縣銀三十兩九錢七分四釐平陸縣銀一十二兩二錢五分城縣銀二十七兩七分二釐絳州併屬絳州銀一十二兩八錢八分五釐垣曲縣銀二十二兩二錢三分四釐稷山縣銀一十五兩六錢九分二錢三分四釐稷山縣銀一十六兩六錢一分八釐河津縣無霍州併屬霍州銀五兩九錢八分二釐靈石縣銀七兩一錢五分趙城縣無隰州併屬隰州銀一十

二兩三錢九分三釐大甯縣銀九兩三錢一分  
八釐蒲縣銀三兩三錢九分五釐永和縣銀五  
兩八錢一分八釐



典禮五

迎春○附神牛酒席等銀

凡通省府州縣迎春之禮均遵定制舉行

通禮內載

直省迎春之禮先立春日各府州縣於東郊造芒神土牛立春在十二月望後芒神執策當牛肩在正月朔後當牛腹在正月望後當牛膝示民農事早晚屆立春日吏設案於芒神春牛前陳香燭果酒之屬案前布拜席通贊執事者於席左右立府州縣正官率在城文官丞史以下朝服畢詣東郊立春時至通贊贊行禮正官一人在前餘以序列行就拜位贊跪叩興衆行一跪三叩禮執事者舉壺爵跪於正官之左正官受爵酌酒酌酒三授爵於執事者復行三叩禮衆隨行禮興迺芒神土牛鼓樂前導各官後從迎入城置於公所各官執采杖環立樂工擊鼓擊土牛三迺各退

附 神牛酒席等銀

各府州縣迎春神牛酒席共銀九十二兩五錢

三分三釐 減三成銀二十七兩七錢五分九釐九毫 實支銀六十四

兩七錢七分三釐一毫 在各州縣地丁項下留支

冀甯道屬

太原府屬○陽曲縣銀二兩五錢 減三成銀七錢五分 實

支銀一兩七錢五分○太原縣銀五錢 減三成銀一錢

五 分 實支銀三錢五分○榆次縣銀五錢 減三成銀一錢

五 分 實支銀三錢五分○太谷縣銀五錢 減三成銀一錢

五分實支銀三錢五分○祁縣銀五錢減三成銀一錢五分

實支銀三錢五分○徐溝縣銀五錢減三成銀一錢五分

實支銀三錢五分○交城縣銀五錢減三成銀一錢五分

實支銀三錢五分○文水縣銀五錢減三成銀一錢五分

實支銀三錢五分○岢嵐州銀五錢減三成銀一錢五分

實支銀三錢五分○嵐縣銀五錢減三成銀一錢五分

支銀三錢五分○興縣銀五錢減三成銀一錢五分

銀三錢五分

潞安府屬○長治縣銀一兩八錢七分五釐減三成

成銀五錢六分二釐五毫實支銀一兩三錢一分二釐五毫

○長子縣銀六錢二分五釐減三成銀一錢八分七釐五毫實

支銀四錢三分七釐五毫○屯留縣銀六錢二

分五釐減三成銀一錢八分七釐五毫實支銀四錢三分七釐

五毫○襄垣縣銀六錢二分五釐減三成銀一錢八分七釐

五毫實支銀四錢三分七釐五毫○潞城縣銀六

錢二分五釐減三成銀一錢八分七釐五毫實支銀四錢三分

七釐五毫○壺關縣銀六錢二分五釐減三成銀一錢

八分七釐實支銀四錢三分七釐五毫○黎城縣

銀六錢二分五釐

減三成銀一錢八分七釐五毫

實支銀四錢

三分七釐五毫

汾州府屬○汾陽縣銀一兩

減三成銀三錢

實支銀七

錢○孝義縣銀七錢五分

減三成銀二錢二分五釐

實支銀

五錢二分五釐○平遙縣銀七錢五分

減三成銀二錢

二分五釐

實支銀五錢二分五釐○介休縣銀六錢

二分五釐

減三成銀一錢八分七釐五毫

實支銀四錢三分七

釐五毫○石樓縣銀六錢二分五釐

減三成銀一錢八分

七釐五毫

實支銀四錢三分七釐五毫○臨縣銀五

錢

減三成銀  
一錢五分

實支銀三錢五分○永甯州銀五

錢

減三成銀  
一錢五分

實支銀三錢五分○甯鄉縣銀五

錢

減三成銀  
一錢五分

實支銀三錢五分

澤州府屬○鳳臺縣銀一兩一錢二分五釐

減

成銀三錢三分七釐五毫

實支銀七錢八分七釐五毫○高

平縣銀七錢五分

減三成銀二錢二分五釐

實支銀五錢二

分五釐○陽城縣銀七錢五分

減三成銀二錢二分五釐

實支銀五錢二分五釐○陵川縣銀六錢二分五

釐

減三成銀一錢八分七釐五毫

實支銀四錢三分七釐五毫

○沁水縣銀七錢五分

減三成銀二錢二分五釐

實支銀五

錢二分五釐

遼州直隸州併屬○遼州銀七錢五分

減三成銀二錢

二分五釐

實支銀五錢二分五釐○和順縣銀五錢

減三成銀一錢五分

實支銀三錢五分○榆社縣銀五錢

減三成銀一錢五分

實支銀三錢五分

沁州直隸州併屬○沁州銀七錢五分

減三成銀二錢

二分五釐

實支銀五錢二分五釐○沁源縣銀五錢

減三成銀一錢五分

實支銀三錢五分○武鄉縣銀五錢

減三成銀  
一錢五分  
實支銀三錢五分

平定直隸州併屬○平定州銀五錢  
減三成銀  
一錢五分

實支銀三錢五分○孟縣銀五錢  
減三成銀  
一錢五分  
實

支銀三錢五分○壽陽縣銀五錢  
減三成銀  
一錢五分  
實

支銀三錢五分

雁平道屬

大同府屬○大同縣銀五兩  
減三成銀  
一兩五錢  
實支銀

三兩五錢○懷仁縣銀二兩  
減三成銀  
六錢  
實支銀一

兩四錢○渾源州銀二兩  
減三成銀  
六錢  
實支銀一兩



四錢○應州銀二兩減三成銀六錢實支銀一兩四錢

○山陰縣銀二兩減三成銀六錢實支銀一兩四錢○

陽高縣銀二兩減三成銀六錢實支銀一兩四錢○天

鎮縣銀二兩減三成銀六錢實支銀一兩四錢○廣靈

縣銀二兩減三成銀六錢實支銀一兩四錢○靈邱縣

銀二兩減三成銀六錢實支銀一兩四錢

朔平府屬○右玉縣銀二兩減三成銀六錢實支銀一

兩四錢○朔州銀五兩減三成銀一兩五錢實支銀三兩

五錢○左雲縣銀二兩減三成銀六錢實支銀一兩四

錢○平魯縣銀一兩六錢八分一釐減三成銀五錢四釐

三毫實支銀一兩一錢七分六釐七毫

甯武府屬○甯武縣銀九錢六分四釐減三成銀二錢

入分九釐二毫實支銀六錢七分四釐八毫○神池縣

銀五錢減三成銀一錢五分實支銀三錢五分○偏關縣

銀五錢減三成銀一錢五分實支銀三錢五分○五寨縣

銀五錢減三成銀一錢五分實支銀三錢五分

忻州直隸州併屬○忻州銀一兩減三成銀三錢實支

銀七錢○定襄縣銀五錢減三成銀一錢五分實支銀三

錢五分○靜樂縣銀五錢

減三成銀一錢五分

實支銀三

錢五分

代州直隸州併屬○代州銀五錢

減三成銀一錢五分

實

支銀三錢五分○五臺縣無○崞縣銀五錢

減三

成銀一錢五分

實支銀三錢五分○繁峙縣銀五錢

減三

成銀一錢五分

實支銀三錢五分

保德直隸州併屬○保德州銀五錢

減三成銀一錢五分

實支銀三錢五分○河曲縣銀五錢

減三成銀一錢五分

實支銀三錢五分

河東道屬

平陽府屬○臨汾縣銀一兩八錢七分五釐減三

成銀五錢六分二釐五毫實支銀一兩三錢一分二釐五毫

○洪洞縣銀六錢二分五釐減三成銀一錢八分七釐五毫實

支銀四錢三分七釐五毫○浮山縣銀六錢二

分五釐減三成銀一錢八分七釐五毫實支銀四錢三分七釐

五毫○岳陽縣銀六錢二分五釐減三成銀一錢八分七釐

五毫實支銀四錢三分七釐五毫○曲沃縣銀六

錢二分五釐減三成銀一錢八分七釐五毫實支銀四錢三分

七釐五毫○翼城縣銀六錢二分五釐減三成銀一錢

入分七釐五毫實支銀四錢三分七釐五毫○太平縣

銀六錢二分五釐減三成銀一錢入分七釐五毫實支銀四錢

三分七釐五毫○襄陵縣銀六錢二分五釐減三成

成銀一錢入分七釐五毫實支銀四錢三分七釐五毫○汾

西縣銀六錢二分五釐減三成銀一錢入分七釐五毫實支銀

四錢三分七釐五毫○吉州銀八錢七分五釐

減三成銀二錢六分二釐五毫實支銀六錢一分二釐五毫○

鄉甯縣銀六錢二分五釐減三成銀一錢入分七釐五毫實支

銀四錢三分七釐五毫

蒲州府屬○永濟縣銀一兩八錢七分五釐

減三

成銀五錢六分二釐五毫實支銀一兩三錢一分二釐五毫

○臨晉縣銀一兩二錢五分

減三成銀三錢七分五釐

實支

銀八錢七分五釐○虞鄉縣銀一兩二錢五分

減三成銀三錢七分五釐實支銀八錢七分五釐○榮河縣

銀六錢三分八釐

減三成銀一錢九分一釐四毫

實支銀四錢

四分六釐六毫○萬泉縣銀六錢二分五釐

減三

成銀一錢八分七釐五毫實支銀四錢三分七釐五毫○猗

氏縣銀六錢二分五釐

減三成銀一錢八分七釐五毫

實支銀

四錢三分七釐五毫

解州直隸州併屬○解州銀六錢二分五釐

減三

成銀一錢入分七釐五毫

實支銀四錢三分七釐五毫○安

邑縣銀六錢二分五釐

減三成銀一錢入分七釐五毫

實支銀

四錢三分七釐五毫○夏縣銀六錢二分五釐

減三成銀一錢入分七釐五毫

實支銀四錢三分七釐五毫○

平陸縣銀六錢二分五釐

減三成銀一錢入分七釐五毫

實支

銀四錢三分七釐五毫○芮城縣銀六錢二分

五釐減三成銀一錢實支銀四錢三分七釐五毫

毫

絳州直隸州併屬○絳州銀六錢二分五釐

減三

成銀一錢八分七釐五毫實支銀四錢三分七釐五毫○垣

曲縣銀六錢二分五釐

減三成銀一錢

實支銀

四錢三分七釐五毫○聞喜縣銀六錢二分五

釐

減三成銀一錢

實支銀四錢三分七釐五毫

○絳縣銀六錢二分五釐

減三成銀一錢

實支

銀四錢三分七釐五毫○稷山縣銀六錢二分



五釐

減三成銀一錢  
八分七釐五毫

實支銀四錢三分七釐五

毫○河津縣銀六錢二分五釐

減三成銀一錢  
八分七釐五毫

實支銀四錢三分七釐五毫

霍州直隸州併屬○霍州銀一兩二錢五分

減三

成銀三錢  
七分五釐

實支銀八錢七分五釐○趙城縣銀

六錢二分五釐

減三成銀一錢  
八分七釐五毫

實支銀四錢三

分七釐五毫○靈石縣銀六錢二分五釐

減三成銀

一錢八分  
七釐五毫

實支銀四錢三分七釐五毫

隰州直隸州併屬○隰州銀六錢二分五釐

減三

成銀一錢八分七釐五毫 實支銀四錢三分七釐五毫○大

甯縣銀六錢二分五釐 減三成銀一錢八分七釐五毫 實支銀

四錢三分七釐五毫○蒲縣銀六錢二分五釐

減三成銀一錢八分七釐五毫 實支銀四錢三分七釐五毫○

永和縣銀六錢二分五釐 減三成銀一錢八分七釐五毫 實支

銀四錢三分七釐五毫

河東芒神春牛花等銀六兩一錢五分 元旦

畫四城門門神銀六兩二錢 以上二款均於河東鹽務雜課項下

支動



農夫二人扶犁各九推九返畢釋鞭末以次序  
立田首西面北上農夫遂終畝告畢事各官補  
服望闕立通贊贊齊班引班分引督撫以下  
至香案前按班序立重行北面耆老農夫稍遠  
列行北面隨立贊跪叩興行三跪九叩禮興各  
退○又載若府不附省州縣衛不附府者正官  
率佐貳丞史耕耨各以耆老二  
人執箱播種餘儀與省會同  
附 耨田糧數

通省一百一州縣額設耨田四頃九十四畝九

分會典內載雍正五年議準直省各擇東郊官  
地潔淨豐腴者立為耨田如無官地動支帑

銀置買民田以四畝九分為耨田○  
光緒六年收穫耨田糧粟報銷冊開 共徵糧三

百二十三石六斗四升九合五勺  
內小麥三十

九石二斗九

|                 |              |
|-----------------|--------------|
| 合大麥八石二斗五升二合     | 豌豆二石四斗四      |
| 升菱子一石二斗二合       | 蕎麥一石九斗五升五    |
| 合莠麥四石三升五合       | 黑豆二斗穀        |
| 二百六十六石三斗五升六合五勺  | 支祭祀糧         |
| 興縣一石一斗          | 朔州七斗五升五臺三斗五升 |
| 絳州一石二斗          | 隰州一石大甯七斗蒲縣一石 |
| 四斗其餘九十四州        | 一百四十二石八斗     |
| 縣均一石四斗五升        | 一百四十二石八斗     |
| 十九石七斗九升         | 大麥二石四斗二升五合   |
| 豆一石四斗二升五合       | 菱子七斗二升五合     |
| 麥七斗二升五合         | 莠麥二石一斗七升     |
| 五合穀一百一十五石五斗三升五合 | 餘糧一          |
| 百八十石八斗四升九合五勺    | 內小麥一十九       |
| 合大麥五石八斗二升七合     | 豌豆一石一升五      |
| 合菱子四斗七升七合       | 蕎麥一石二斗三升     |
| 麥一石八斗六升         | 黑豆二斗穀一       |
| 百五十石八斗二升一合五勺    | 每屆五年按        |

各該州縣時估報糶一次糶售銀兩除留支

先農壇祭品外餘銀解司不敷請領

卷查雍正七年戶部咨覆準巡

撫石麟咨

先農壇祭品奉部議定照祭

社稷壇之例用羊豕等物需銀三兩五分應  
通行各屬每年悉照此數動支自雍正七年為  
始在於該年地丁銀內動支仍造入奏銷冊內  
報部查覈至藉田所收米粟各屬俱報有存儲  
奉部敬謹收儲以供粢盛是粢盛非用藉田所  
出不足以將敬意似應一體動支再祀典例用  
黍稷稻粱四色各處藉田所種隨其土宜不能  
兼備仍應照舊制備聽其各隨土宜薦敬春秋  
二丁祭國壇  
賜帝廟先農壇每歲每  
處開銷藉田所產糧粟共一石四斗五升如有  
餘積仍敬謹收儲一年所需不敷開銷聽其  
儘數動用造冊報部等因查恭祭  
祭品該撫既稱奉部議定每歲照祭  
社稷

之例需銀三兩五分應通行所屬每年悉照此數動支等語應如該撫所請自雍正七年爲始在於該年地丁銀內動支仍造入奏銷冊內具題查覈至藉田所收米粟除供各該處黍盛外如有餘贖仍令敬謹收儲儻所需不敷聽其儘數動支仍於報部冊內分晰註明以便查覈○又查雍正十二年戶部議覆廣東巡撫楊永斌奏藉穀積儲有年懇請酌量出陳存新以供祀典奉旨藉田所登米穀除敬供黍盛外其餘作何收儲支用之處各督撫未曾奏聞今覽楊永斌摺奏籌議妥協甚屬可嘉著交部定議並令各省一體遵行欽此查各省藉田歷年所登穀石除恭祀先農黍盛并籽種穀石外俱經臣部議令敬謹收儲在案今該撫楊永斌奏稱粵東一省自雍正五年至今報收藉穀現在儲倉共一萬一千一百石有零但粵地潮涇難以經久查粵東仲春先農祀典每歲共需經費銀四百八十八兩零均動支地丁項

內今藉田穀石積儲有年請照行出陳之法飭  
令各州縣將本年新收存留外所有歷年舊穀  
儘數糶售每石定價四錢五分所糶銀兩通報  
查覈存於各州縣嗣後致祭先農不必開  
銷地丁錢糧卽將穀價逐年按數支銷至五年  
後藉穀收積復多再行出陳存新等語應如該  
撫所請將舊儲藉田穀石儘數糶售作爲祭祀  
先農經費之需仍將糶過穀石價銀數目  
先行報部其選年所用祭祀經費銀兩於次年  
題報收儲藉穀案內逐一造報臣部查覈俟五  
年後積穀復多卽行題明出陳存新永以爲例  
并通行直隸各省俱照粵省之例將藉田穀石  
除本年新收存留外其舊儲藉穀儘數糶售以  
爲祭祀先農經費之項俟五年後再行出  
陳存新至穀石價值各省低昂不同應令  
各該督撫酌定價值報明臣部覈奪糶售

冀甯道屬



太原府屬額設藉田五十三畝九分共徵糧四

十三石三斗六合

丙小麥二石三斗七升四合  
麥子一石二斗二合穀三十

九石七斗三升

支祭祀糧

興縣一石一斗餘  
各一石四斗五升

一十五石

六斗

丙小麥一石九斗五升  
麥子七斗二升五合

餘糧

二十七石七斗六合

丙小麥四斗二升四合  
麥子四斗七升七合穀二十

六石八斗五合

○陽曲縣徵穀一石七斗支祭祀穀一

石四斗五升餘穀二斗五升○太原縣徵糧二

石一斗七升六合

丙小麥九斗七升四合  
麥子一石二斗二合

支祭

祀糧一石四斗五升

丙小麥七斗二升五合  
麥子七斗二升五合餘

糴七斗二升六合

內小麥二斗四升九合  
麥子四斗七升七合

○榆

次縣徵穀八石三斗三升支祭祀穀一石四斗

五升餘穀六石八斗八升○太谷縣徵穀六石

三斗支祭祀穀一石四斗五升餘穀四石八斗

五升○祁縣徵穀五石九斗六升支祭祀穀一

石四斗五升餘穀四石五斗一升○徐溝縣徵

穀六石三斗支祭祀穀一石四斗五升餘穀四

石八斗五升○交城縣徵穀三石二斗五升支

祭祀穀一石四斗五升餘穀一石八斗○文水

縣徵糧三石二斗六升

內小麥九斗穀二石三斗六升

支祭祀

糧一石四斗五升

內小麥七斗二升五合穀七斗二升五合

餘糧一

石八斗一升

內小麥一斗七升五合穀一石六斗三升五合

○岢嵐州

徵穀三石一斗八升支祭祀穀一石四斗五升

餘穀一石七斗三升○嵐縣徵穀一石七斗五

升支祭祀穀一石四斗五升餘穀三斗○興縣

徵糧一石一斗

內小麥五斗穀六斗

支祭祀糧一石一斗

內小麥五斗穀六斗餘無

潞安府屬額設藉田三十四畝三分共徵穀二

十六石一斗八升支祭祀穀

每處一石四斗五升一十石

一斗五升餘穀一十六石三升○長治縣徵穀

三石七斗支祭祀穀一石四斗五升餘穀二石

二斗五升○長子縣徵穀四石八斗支祭祀穀

一石四斗五升餘穀三石三斗五升○屯留縣

徵穀二石三斗支祭祀穀一石四斗五升餘穀

八斗五升○襄垣縣徵穀一石四斗五升支祭

祀穀一石四斗五升餘無○潞城縣徵穀四石

五斗支祭祀穀一石四斗五升餘穀三石五升

○壺關縣徵穀二石九斗三升支祭祀穀一石  
四斗五升餘穀一石四斗八升○黎城縣徵穀  
六石五斗支祭祀穀一石四斗五升餘穀五石  
五升

汾州府屬額設藉田三十九畝二分共徵糧二

十四石三斗三升

內小麥一石二斗穀  
二十三石一斗三升

支祭祀

糧

每處一石  
四斗五升

一十一石六斗

內小麥七斗二升  
五合穀一十石八

斗七升  
五合

餘糧一十二石七斗三升

內小麥四斗  
七升五合穀

一十二石二  
斗五升五合

○汾陽縣徵糧五石二斗

內小麥  
一石二

斗穀

支祭祀糧一石四斗五升

內小麥七斗二升五合穀七斗

二升

餘糧三石七斗五升

內小麥四斗七升五合穀三石二斗七升

五合

○孝義縣徵穀二石八斗八升支祭祀穀一

石四斗五升餘穀一石四斗三升○平遙縣徵

穀二石八斗六升支祭祀穀一石四斗五升餘

穀一石四斗一升○介休縣徵穀三石七斗九

升支祭祀穀一石四斗五升餘穀二石三斗四

升○石樓縣徵穀二石四斗五升支祭祀穀一

石四斗五升餘穀一石○臨縣徵穀二石六斗

五升支祭祀穀一石四斗五升餘穀一石二斗  
○永甯州徵穀三石支祭祀穀一石四斗五升  
餘穀一石五斗五升○甯鄉縣徵穀一石五斗  
支祭祀穀一石四斗五升餘穀五升

澤州府屬額設藉田二十四畝五分共徵糧二

十二石三斗內小麥一石五斗黑豆二斗穀二十石六斗支祭祀糧

每處一石七石二斗五升內小麥一石二斗二升五合穀六石二升

五斗七升五合五餘糧一十五石五升內小麥二斗七升五合黑豆二斗穀一十四石

五斗七升五合○鳳臺縣徵糧四石六斗內小麥入斗黑豆二斗穀

三石 支祭祀糧一石四斗五升 內小麥七斗二升五合穀七斗

二升 餘糧三石一斗五升 內小麥七升五合黑豆二斗穀二石八斗

五合 七升 ○高平縣徵穀八石五斗支祭祀穀一石

四斗五升餘穀七石五升 ○陽城縣徵糧三石

二斗 內小麥七斗 支祭祀糧一石四斗五升 內小

麥五斗穀 九斗五升 餘糧一石七斗五升 內小麥二斗穀一石五斗五升

○陵川縣徵穀四石支祭祀穀一石四斗五升

餘穀二石五斗五升 ○沁水縣徵穀二石支祭

祀穀一石四斗五升餘穀五斗五升



遼州直隸州併屬額設耨田一十四畝七分共

徵穀一十石一斗支祭祀穀

每處一石四斗五升

四石三

斗五升餘穀五石七斗五升○遼州徵穀三石

六斗支祭祀穀一石四斗五升餘穀二石一斗

五升○和順縣徵穀三石支祭祀穀一石四斗

五升餘穀一石五斗五升○榆社縣徵穀三石

五斗支祭祀穀一石四斗五升餘穀二石五升

沁州直隸州併屬額設耨田一十四畝七分共

徵穀八石八斗支祭祀穀

每處一石四斗五升

四石三斗

五升餘穀四石四斗五升○沁州徵穀二石四斗支祭祀穀一石四斗五升餘穀九斗五升○沁源縣徵穀四石支祭祀穀一石四斗五升餘穀二石五斗五升○武鄉縣徵穀二石四斗支祭祀穀一石四斗五升餘穀九斗五升

平定直隸州併屬額設耜田一十四畝七分共

徵穀一十二石五斗七升五勺支祭祀穀

每處一石

四斗五升四石三斗五升餘穀八石二斗二升五勺

○平定州徵穀五石支祭祀穀一石四斗五升

餘穀三石五斗五升○孟縣徵穀四石四升二合五勺支祭祀穀一石四斗五升餘穀二石五斗九升二合五勺○壽陽縣徵穀三石五斗二升八合支祭祀穀一石四斗五升餘穀二石七升八合

雁平道屬

大同府屬額設耜田四十四畝一分共徵穀二十二石九斗一升二合支祭祀穀每處一石一斗五升十三石五升餘穀九石八斗六升二合○大同

縣徵穀二石六斗四升六合支祭祀穀一石四斗五升餘穀一石一斗九升六合○懷仁縣徵穀二石九斗四升支祭祀穀一石四斗五升餘穀一石四斗九升○渾源州徵穀一石九斗五升支祭祀穀一石四斗五升餘穀五斗○應州徵穀一石九斗五升支祭祀穀一石四斗五升餘穀五斗○山陰縣徵穀二石四斗九升九合支祭祀穀一石四斗五升餘穀一石四升九合○陽高縣徵穀二石九斗四升支祭祀穀一石

四斗五升餘穀一石四斗九升○天鎮縣徵穀  
二石九斗四升支祭祀穀一石四斗五升餘穀  
一石四斗九升○廣靈縣徵穀二石五斗九升  
七合支祭祀穀一石四斗五升餘穀一石一斗  
四升七合○靈邱縣徵穀二石四斗五升支祭  
祀穀一石四斗五升餘穀一石

朔平府屬額設耕田一十九畝六分共徵糧八

石二斗二升

丙莜麥一石九斗五升五合蕎麥一石九斗五升五合穀四石三斗

一石支祭祀糧

朔州七斗五升餘各一石四斗五升五石一斗丙莜麥七

斗二升五合蕎麥七斗二升五合穀三石六斗五升內苽麥一石二斗三升餘糧三石一斗二升蕎麥一石二斗三升○右玉縣徵穀二

石六升支祭祀穀一石四斗五升餘穀六斗一

升○朔州徵穀七斗五升支祭祀穀七斗五升

餘無○左雲縣徵穀一石五斗支祭祀穀一石

四斗五升餘穀五升○平魯縣徵糧三石九斗

一升內苽麥一石九斗五升五合支祭祀糧一

石四斗五升內苽麥七斗二升五合餘糧二石

四斗六升內苽麥一石二斗三升

甯武府屬額設耕田一十九畝六分共徵糧六

石九斗六升

丙莪麥二石八升  
穀四石四斗八升

支祭祀糧

每處一石

四斗五石八斗

丙莪麥一石四斗五升  
穀四石三斗五升

餘糧一石

一斗六升

丙莪麥六斗三升  
穀五斗三升

○甯武縣徵穀一石

五斗八升支祭祀穀一石四斗五升餘穀一斗

三升○神池縣徵莪麥二石八升支祭祀莪麥

一石四斗五升餘莪麥六斗三升○偏關縣徵

穀一石四斗五升支祭祀穀一石四斗五升餘

無○五寨縣徵穀一石八斗五升支祭祀穀一

石四斗五升餘穀四斗

忻州直隸州併屬額設耜田一十四畝七分共

徵穀一十二石二斗五升支祭祀穀

每處一石四斗五升

四石三斗五升餘穀七石九斗○忻州徵穀三

石六斗五升支祭祀穀一石四斗五升餘穀二

石二斗○定襄縣徵穀三石一斗支祭祀穀一

石四斗五升餘穀一石六斗五升○靜樂縣徵

穀五石五斗支祭祀穀一石四斗五升餘穀四

石五升



代州直隸州併屬額設藉田一十九畝六分共

徵穀八石六斗四升支祭祀穀

五臺縣三斗五升餘各一石四

斗五升 四石七斗餘穀三石九斗四升○代州徵

穀二石三斗五升支祭祀穀一石四斗五升餘

穀九斗○五臺縣徵穀三斗五升支祭祀穀三

斗五升餘無○崞縣徵穀三石支祭祀穀一石

四斗五升餘穀一石五斗五升○繁峙縣徵穀

二石九斗四升支祭祀穀一石四斗五升餘穀

一石四斗九升

保德直隸州併屬額設藉田九畝八分共徵糧

二石九斗八升

內小麥八斗四升  
穀二石一斗四升

支祭祀糧

每處

一石四

斗五升 二石九斗

內小麥八斗四升  
穀二石六升

餘穀八升○

保德州徵糧一石四斗八升

內小麥三斗四升  
穀一石一斗四升

支祭祀糧一石四斗五升

內小麥三斗四升  
穀一石一斗一升餘

穀三升○河曲縣徵糧一石五斗

內小麥五斗  
穀一石支

祭祀糧一石四斗五升

內小麥五斗  
穀九斗五升餘穀五升

河東道屬

平陽府屬額設藉田五十三畝九分共徵糧三

十石八斗四升五合

內小麥一十石二斗二升五合豌豆六斗穀二十石

二支祭祀糧

每處一石四斗五升

一十五石九斗五升

內

麥五石二斗五升豌豆

餘糧一十四石八斗九

三斗穀

一十石四斗

○臨汾縣

升五合

內小麥四石九斗七升五合豌豆三斗穀九石六斗二升

徵糧三石

內小麥一石五斗

支祭祀糧一石四斗

五升

內小麥七斗二升五合

餘糧一石五斗五升

內小麥七斗七升五合

○洪洞縣徵糧二石六斗

合穀七斗七升五合

內小麥一石四斗穀一石二斗

支祭祀糧一石四斗五升

內小麥七斗二升五合

餘糧一石一斗五升

內小麥六斗七升五

合穀四斗  
七升五合  
○浮山縣徵糧三石  
內小麥四斗  
穀二石六斗  
支

祭祀穀一石四斗五升餘糧一石五斗五升  
內小

麥四斗穀一  
石一斗五升  
○岳陽縣徵糧三石九斗  
內小麥  
二石三

斗穀一  
石六斗  
支祭祀糧一石四斗五升  
內小麥七斗  
二升五合穀

七斗二  
升五合  
餘糧二石四斗五升  
內小麥一石五斗  
七升五合穀八斗

七升  
五合  
○曲沃縣徵糧二石九斗四升五合  
內小  
麥一

石六斗二升五合  
穀一石三斗二升  
支祭祀糧一石四斗五升  
內小

麥七斗二升五合  
穀七斗二升五合  
餘糧一石四斗九升五合  
內小

麥九斗穀五  
斗九升五合  
○翼城縣徵穀二石七斗支祭祀

穀一石四斗五升餘穀一石二斗五升○太平

縣徵糧二石四斗內小麥一石二斗支祭祀糧一

石四斗五升內小麥七斗二升五合餘糧九斗五

升內小麥四斗七升五合○襄陵縣徵糧四石五

斗內小麥六斗三升五合支祭祀糧一石四斗五升

內小麥四斗二升五合餘糧三石五升內小

豆三斗穀七斗二升五合麥一

穀二石五斗七升五合○汾西縣徵穀二石二

斗支祭祀穀一石四斗五升餘穀七斗五升○

吉州徵糧一石八斗內小麥六斗支祭祀糧一

石四斗五升

內小麥六斗  
穀八斗五升

餘穀三斗五升○鄉

甯縣徵糧一石八斗

內小麥六斗  
穀一石二斗

支祭祀糧一

石四斗五升

內小麥六斗  
穀八斗五升

餘穀三斗五升

蒲州府屬額設耜田二十九畝四分共徵糧一

十九石三斗七升

內小麥七石七斗九升  
穀一十一石五斗八升

支祭

祀糧

每處一石  
四斗五升

八石七斗

內小麥三石六斗二升  
五合穀五石七升

五合餘糧一十石六斗七升

內小麥四石一斗六升  
五合穀六石五斗

五合○永濟縣徵糧三石

內小麥一石五斗  
穀一石五斗

支祭祀

糧一石四斗五升

內小麥七斗二升五合  
穀七斗二升五合

餘糧一

石五斗五升

內小麥七斗七升五合穀七斗七升五合

○臨晉縣徵

糧一石四斗五升

內小麥七斗二升五合穀七斗二升五合

支祭祀

糧一石四斗五升

內小麥七斗二升五合穀七斗二升五合

餘無○

虞鄉縣徵穀二石九斗四升支祭祀穀一石四

斗五升餘穀一石四斗九升○榮河縣徵糧三

石一斗四升

內小麥一石四斗穀一石七斗四升

支祭祀糧一石

四斗五升

內小麥七斗二升五合穀七斗二升五合

餘糧一石六斗

九升

內小麥六斗七升五合穀一石一升五合

○萬泉縣徵糧五石

三斗九升

內小麥二石九斗四升穀二石四斗五升

支祭祀糧一石

四斗五升

內小麥七斗二升五合穀七斗二升五合

餘糧三石九斗

四升

內小麥二石二斗一升五合穀一石七斗二升五合

○猗氏縣徵糧

三石四斗五升

內小麥一石二斗二升五合穀二石二斗二升五合

支祭

祀糧一石四斗五升

內小麥七斗二升五合穀七斗二升五合

餘糧

二石

內小麥五斗穀一石五斗

解州直隸州併屬額設藉田二十四畝五分共

徵糧二十六石九斗四升

內小麥一十石一斗九升一合大麥二石

四斗五升穀一十四石二斗九升九合

支祭祀糧

每處一石四斗五升

七石

二斗五升

內小麥二石九斗大麥七斗二升五合穀二石六斗二升五合

餘糧



一十九石六斗九升

內小麥七石二斗九升一合大麥一石七斗二升五

合穀一十石六斗七升四合

○解州徵糧五石三斗九升

內小

麥二石四斗五升

支祭祀糧一石四斗五升

內小

穀二石九斗四升

麥七斗二升五合

餘糧三石九斗四升

內小麥一石七

穀七斗二升五合

斗二升五合穀二

○安邑縣徵糧六石三斗三

石二斗一升五合

升內小麥三石一斗六升五

支祭祀糧一石四

斗五升內小麥七斗二升五

合穀七斗二升五合

餘糧四石八斗八

升內小麥二石四斗四

升內穀二石四斗四升

○夏縣徵糧六石四斗

四升內小麥二石九斗三

升內穀三石五斗一升

支祭祀糧一石四斗

五升

內小麥七斗二升五合穀七斗二升五合

餘糧四石九斗九升

內小麥二石二斗五合穀二石七斗八升五合

○平陸縣徵糧三石三

斗九升

內小麥一石六斗四升六合穀一石七斗四升四合

支祭祀糧一

石四斗五升

內小麥七斗二升五合穀七斗二升五合

餘糧一石九

斗四升

內小麥九斗二升一合穀一石一升九合

○芮城縣徵糧五

石三斗九升

內大麥二石四斗五升穀二石九斗四升

支祭祀糧一

石四斗五升

內大麥七斗二升五合穀七斗二升五合

餘糧三石九

斗四升

內大麥一石七斗二升五合穀二石二斗一升五合

絳州直隸州併屬額設藉田二十九畝四分共

徵糧二十石九斗五升二合內小麥一石七斗二升五合大麥四

石八斗二合豌豆一石四斗四支祭祀糧一石

升穀一十二石九斗八升五合絳州

二斗餘各一八石四斗五升內小麥一石三斗二升五合大麥一

石四斗五升豌豆七斗二餘糧一十二石五斗

升五合穀四石九斗五升二合

二合內小麥四斗大麥三石三斗五升二合

絳州徵糧一石二斗內小麥六斗穀六斗支祭祀糧一石

二斗內小麥六斗穀六斗餘無○垣曲縣徵糧四石三斗

一升二合內大麥二石三斗五升二合穀一石九斗六升支祭祀糧一

石四斗五升內大麥七斗二升五合穀七斗二升五合餘糧二石八

斗六升二合

內大麥一石六斗二升七合穀一石二斗三升五合

○聞喜

縣徵糧二石二斗五升

內小麥一石一斗二升五合穀一石一斗二升

五合支祭祀糧一石四斗五升

內小麥七斗二升五合穀七斗二升

五合餘糧八斗

內小麥四斗穀四斗

○絳縣徵穀五石六斗

支祭祀穀一石四斗五升餘穀四石一斗五升

○稷山縣徵糧四石九斗

內大麥二石四斗五升穀二石四斗五升

支祭祀糧一石四斗五升

內大麥七斗二升五合穀七斗二升五合

餘糧三石四斗五升

內大麥一石七斗二升五合穀一石七斗二升五合

○河津縣徵糧二石六斗九升

內豌豆一石四斗四升穀一石

二斗五升 支祭祀糧一石四斗五升 內豌豆七斗二升五合穀七斗

二升五合 餘糧一石二斗四升 內豌豆七斗一升五合穀五斗二升五合

霍州直隸州併屬額設藉田一十四畝七分共

徵糧一十一石九升四合 內小麥二石八斗六升四合大麥一石穀

七石二斗三升 支祭祀糧 每處一石四斗五升 四石三斗五升 內

麥一石四斗五升大麥二斗五升穀二石六斗五升 餘糧六石七斗四升

四合 內小麥一石四斗一升四合大麥七斗五升穀四石五斗八升 ○霍州徵

糧二石六斗 內大麥一石穀一石六斗 支祭祀糧一石四斗

五升 內大麥二斗五升穀一石二斗 餘糧一石一斗五升 內大麥七

斗五升

○趙城縣徵糧五石一斗九升四合內

穀四斗

麥一石七斗六升四

支祭祀糧一石四斗五升

合穀三石四斗三升

內小麥七斗二升五

餘糧三石七斗四升四合

合穀七斗二升五合

內小麥一石三升九

○靈石縣徵糧三石三斗

合穀二石七斗五合

內小麥一石一

支祭祀糧一石四斗五升內小

斗穀二石二斗

斗二升五合穀

餘糧一石八斗五升內小麥三

七斗二升五合

合穀一石四

斗七升五合

隰州直隸州併屬額設藉田一十九畝六分共

徵糧四石九斗

內小麥五斗豌豆四斗穀四石

支祭祀糧

隰州一石

大甯縣七斗蒲縣一石四

四石五斗五升

內小麥五

斗永和縣一石四斗五升

斗豌豆四斗穀

三石六斗五升餘穀三斗五升○隰州徵穀一

石支祭祀穀一石餘無○大甯縣徵糧七斗

內小

麥三斗穀四斗

支祭祀糧七斗

內小麥三斗穀四斗

餘無○蒲縣

徵糧一石四斗

內小麥二斗穀一石二斗

支祭祀糧一石四

斗

內小麥二斗穀一石二斗

餘無○永和縣徵糧一石八斗

內豌豆四斗穀一石四斗

支祭祀糧一石四斗五升

內豌豆四斗穀

一石五升

餘穀三斗五升

典禮七

更換印信○附光緒十三年巡撫剛  
案奏刊發新練馬步十七營旗關防

凡文武官印信關防圖記條記有更建應改鑄者因模糊應換鑄者均詳請巡撫題請由禮部鑄造頒發至文職佐雜等官及無兼管兵馬錢

糧之武職木鈐記由布政司刻給均如制

會典內載

凡印官有更建則給新印而廢其故敝亦如之印成則付儀制司以頒發註云文武官印信關防圖記條記應改鑄者直省由督撫具題文職由吏部武職由兵部議準選擬字樣到部模糊換鑄者照原模字樣依限鑄造又註云各省督撫藩臬提鎮俱派員齎文請領各省道府副將



參將等官統限接到部文四月內或遇便員或專差齎文請領其需用緊急者奏明交兵部驛遞或交提塘齎送同知通判遊擊以下發交提塘東三省及綏遠皆令派員請領頒發印信關防圖記條記四角無字處各留一柱仍用重紙密糊膠封印面騎縫處鈐蓋司印發本官去柱啟封又註云文職佐雜及無兼管兵馬錢糧之武職官所用木鈐記均由布政司發官匠刻給各府州縣僧道陰陽醫官等鈐記亦如佐雜之例由官匠鐫刻正字給發

附光緒十三年巡撫剛 奏刊發新練馬步十七營旗關防案

光緒十三年巡撫剛 奏刊發新練馬步十七

營旗木質關防一十七顆

卷查光緒十三年十月十九日巡撫剛

奏前準部咨晉省新練綠營各營旗應用木質關防令卽自行刊發仍將顆數字樣隨時分別

奏咨等因當經行知遵辦去後茲據清源局司  
道詳稱晉省新設撫標練軍馬隊一旗步隊兩  
營太原鎮練軍馬隊兩旗步隊四旗大同鎮練  
軍馬隊七旗步隊一營共應刊刻木質關防一  
十七顆現已如數刊成呈請具奏頒發前來臣  
覆查無異除將木質關防頒發各該營旗祇領  
開用並咨部查覈外理合將新練馬步十七營  
旗領用木質關防顆數字樣繕具清單附片恭  
呈御覽計開撫標精兵練軍步隊左營關防  
關防撫標精兵練軍步隊左營關防撫標  
精兵練軍步隊右營關防太原鎮練軍步隊  
前旗之關防太原鎮練軍步隊後旗之關防  
太原鎮練軍步隊左旗之關防太原鎮練  
軍步隊右旗之關防太原鎮練軍馬隊左旗  
之關防太原鎮練軍馬隊右旗之關防大  
同鎮練軍步隊營關防大同鎮練軍馬隊第  
一旗關防大同鎮練軍馬隊第二旗關防  
大同鎮練軍馬隊第三旗關防大同鎮練軍

馬隊第四旗關防 大同鎮練軍馬隊第五旗  
關防 大同鎮練軍馬隊第六旗關防 大同  
鎮練軍馬隊第七旗關防 以上共刊刻木質  
關防一十七顆十一月初一日差弁齎回原奏  
欽奉 硃批兵部  
知道單併發欽此

晉政輯要卷之二十

禮制

風教一

宣講  
鐸工食銀兩

聖諭○附宣講鄉約木

凡每月初一十五日省城暨各道府廳州縣文

武官均詣公所集士民宣讀

聖諭廣訓及律條如制

會典內載月朔望屬其民以讀法註云各府州縣文武官每朔

望詣

文廟

關帝廟

文昌廟

城

陸廟上香行禮畢易吉服詣公所集士民宣讀

聖諭廣訓及律條文武官東西席地坐

宣讀者立於東北西面以次宣讀者老軍民階下環立而聽各鄉村巨堡及番寨土司地方設講鄉約之所揀選老成公正者一人為約正樸

實謹守者三四人爲值月每月朔望集老幼人等宣讀

聖諭廣訓及律條州縣教官不

時巡行

宣導

附宣講鄉約木鐸工食銀兩

河東每月朔望宣講

聖諭鄉約一名木鐸一名工食銀一十二兩

在於河東  
鹽務雜課

項下  
動支

風教二 鄉飲酒禮○附鄉飲酒禮銀兩

凡通省府州縣鄉飲酒禮均遵定制舉行會典內載

孟春之望孟冬之朔則鄉飲註云各省府州縣舉行鄉飲酒禮於本學之明倫堂府以知府州以知州縣以知縣為主監司官監禮皆立一人爲司正以教官充二人司爵二人贊禮二人引禮一人讀律以生員充揚解讀法奏樂視順天府○卷查乾隆二十五年九月十五日禮部議覆順天府府尹程 條奏鄉飲酒禮一疏該臣等議得鄉飲酒禮順天府及直省州縣每年正月十五日十月初一日兩次舉行設賓僕介主酒席凡以申明 朝廷之法敦序長幼之節共舉報賓僕責成地方官據實遴訪不得徇情濫舉儻所舉冒濫題參議處定例綦嚴今該府尹奏稱順天府沿習舊章奉行故事有一人疊充者有臨時羅致者覈其所舉之人不過六七

品原任京官名不著於搢紳望不孚於月旦茲  
本年復屆舉行之期檄行地方官據實申報乃  
茫無指飭於前番數人內不復更易苟且因循  
仍視同兒戲嗣後酌定章程於鄉飲屆期果實  
有其人年齒品行允符衆望者該府尹秉公鑒  
覈恭摺奏聞否則甯缺勿濫不得更番  
疊見亦不得敷衍等語伏思京師爲首善之  
地萬邦黎獻奔走觀瞻若因有司不善舉行遽  
置古禮於不講未免因噎廢食且十室之邑必  
有忠信豈謂輦轂之下竟少年高德邵之  
人或有地方官忽視舊章任聽書役舉報而所  
舉之人容有以市井而廁衣冠者以致耆年碩  
德羞與比肩裹足辭去及至臨期濫舉塞責往  
往有之查有司爲親民之官地方果有耆碩平  
日豈無見聞而府尹表率京兆無論致仕之搢  
紳賢否固所深悉卽矜士編氓實有讀書好修  
者原可隨時體訪以備賓筵儻有司之所舉不  
實卽當駁飭不容稍從姑容以致臨時羅致也

至所稱一人疊充及覈其所舉之人不過六七品原任京官等語查地方耆年長德原應歲歲延請以維風勵俗是以全書並無禁止疊充之文至所舉之人惟以齒德是尚本不限以爵秩若其人各不克副實一次已難混冒何得任其更番疊見此又在該府尹之秉公鑒覈也但鄉飲之期每歲原定二次今如該府尹所奏現多敷衍具文則與其沿習而虛應故事不若覈實而稍改章程嗣後鄉飲屆期應請責成該府尹督率各州縣實力遴訪務得年齒品行允符衆望之人仍照全書定例舉行如實在不得其人甯缺勿濫卽行停止報部存案其所稱恭摺奏著裁無關緊要本章案內已將題報鄉飲酒禮一本停止在案今復行具奏事屬繁瑣應毋庸議仍飭地方官秉公覈實毋許瞻徇冒濫一經發覺照例題參如此則於養老尊賢之典益昭慎重而斟酌禮文名實更爲相符矣再



直省舉報鄉飲由儒學州縣具詳該管上司亦係每年舉行二次其中不無冒濫滋弊應請照京府之例責成布政司覈實報明督撫存案如不得其人卽詳請停止不得拘於成例苟且塞責則內外辦理皆得畫一恭候命下之日通行直省督撫一體欽遵可也

附 鄉飲酒禮銀兩

各府州縣鄉飲酒禮銀一千三百五十九兩三

錢

太原府屬陽曲縣銀三十兩太原縣榆次縣太谷縣祁縣徐溝縣又清源鄉交城縣文水

縣各支銀一十五兩岢嵐州銀一十兩嵐縣銀

五兩興縣銀一十五兩○潞安府屬長治縣銀

二十兩長子縣銀九兩屯留縣襄垣縣潞城縣

又平順鄉壺關縣各銀一十五兩黎城縣銀五

兩○汾州府屬汾陽縣孝義縣平遙縣介休縣

石樓縣臨縣永甯州鄉縣各銀一十五兩○

澤州府屬鳳臺縣高平縣陽城縣陵川縣沁水縣各銀一十五兩○遼州直隸州併屬遼州銀五兩和順縣銀一十五兩榆社縣銀一十兩○沁州直隸州併屬沁州沁源縣各銀一十五兩武鄉縣銀五兩○平定直隸州併屬平定州樂平鄉孟縣壽陽縣各銀一十五兩○大同府屬大同縣銀二十兩懷仁縣渾源州應州山陰縣陽高縣天鎮縣廣靈縣靈邱縣各銀八兩○朔平府屬右玉縣銀八兩朔州銀二十兩又馬邑鄉左雲縣平魯縣各銀八兩○甯武府屬甯武縣銀一十五兩神池縣銀一十兩偏關縣銀一十兩五寨縣銀七兩五錢○忻州直隸州併屬忻州定襄縣靜樂縣各銀一十五兩○代州直隸州併屬代州崞縣繁峙縣各銀一十五兩○保德直隸州併屬保德州銀五兩河曲縣銀七兩二錢○平陽府屬臨汾縣銀二十兩洪洞縣銀一十五兩浮山縣銀七兩八錢岳陽縣曲沃縣翼城縣太平縣襄陵縣汾西縣各銀一十五

兩吉州銀九兩六錢鄉甯縣銀一十三兩八錢  
○蒲州府屬永濟縣臨晉縣虞鄉縣榮河縣萬  
泉縣各銀一十五兩○解州直隸州併屬解州  
銀一十二兩安邑縣夏縣平陸縣芮城縣各銀  
一十五兩○絳州直隸州併屬絳州垣曲縣聞  
喜縣絳縣稷山縣河津縣各銀一十五兩○霍  
州直隸州併屬霍州趙城縣靈石縣各銀一十  
五兩○隰州直隸州併屬隰州銀八兩四錢大  
甯縣銀一十兩二錢蒲縣銀七兩八錢永和縣  
銀五兩○卷查道光二十三年奉文將額徵銀  
兩悉數解司  
報部撥用

風教三

恩賞

旌表事例○附一產三男

凡通省孝義忠節暨累世同居壽民壽婦一產

三男應請

旌表者均遵定例舉行

會典內載凡孝義忠節者察實以題而旌焉累世同

居者亦如之百歲者一產三男者則以

開

而加

恩賞○卷查同治十年九月二十三

日禮部議覆御史劉國光奏乾隆三十六年題準直省貞女未符年限而身故者一體

旌表以昭畫一節婦與貞女事同一律請

飭下禮部議將各省已故節婦援照已故

貞女例不論年限或限以三年俾得同邀

旌表等語臣等查例開節婦自三十歲以前

守節至五十歲或年未五十而身故守節已及

十年者均準

旌表又未婚貞女請

旌與節婦例同其有未符年例而身故者一體準其旌表等語今御史劉國光以已

故節婦請照貞女例一律辦理或限以三年俾

邀旌表等語查定例夫故婦服斬衰三

年若以持服之年作為守節之日恐不足以風

世勵俗惟節婦心矢冰霜情原艱苦况齋志以

歿是其生之不幸並非節之不終自例定十年

之限臣部每屆年終彙題節孝勤有守節至八

九年或六七年而身故者因格於成例擬行扣

除柏舟之志既矢靡他綽楔之榮竟難同沐其

節可矜其情尤可憫臣等公同商酌擬將已故

節婦準旌年限量予變通於持服斬衰

三年外更閱三年歷時較久可徵初念之不渝

且守志以終益信大節之無忝所有各省節婦

如有守節及六年以上而身故者擬由臣部覈

準請旌其未及六年而身故者則仍行扣除以示限制○又查光緒十三年八月初一日禮部奏查定例直省貞孝節烈婦女應

旌表者由該督撫學政會同具題並取具冊結  
送部覈議又在部呈請旌表自七品實缺  
京官以上取結確實聲明何項親族並註明居  
趾地方始準呈請其在各省遞呈者由儒學州  
縣轉詳府司詳達督撫學政彙齊照例具題又  
孝子割股傷生及烈婦夫亡殉節者例不準旌  
如有奏請交部議者其入祠建坊之處請  
旨遵行各等語又同治元年議準旌表節  
婦如有實缺京官在部呈報者查係年例相符  
由部先行覈準歸入年終彙題仍隨時行查各  
該省切實聲覆如有姓名舛錯存歿互歧將原  
案撤銷出結具呈之員交部議處又同治三年  
議準節孝貞烈婦女流寓他省者準由寄居地  
方督撫學政具題又同治五年奉  
都察院奏蕭劉氏吞金殉節所有職員呈請旌  
表並自行捐資建坊之處著該部議奏嗣後各  
省赴該衙門呈請旌卹如有似此情節及割臂  
療疾等情卽著該衙門行知禮部照例分別準

駁彙案具題欽此當經臣部奏準將該氏歸入  
年終彙題其割臂療疾者仍歸年終彙奏又同  
治六年奏準山西巡撫具題節孝貞烈婦女內  
有他省數十口並非寄居山西除遵  
辦理外應請嗣後不得援以爲例又光緒八年  
議準御史劉恩溥奏近來京外各員請于  
旌表者紛至沓來此等旌卹之事統由禮  
部彙題不必屢以照例事件陳奏又光緒十二  
年議覆御史慶祥奏樂亭縣節孝婦嚴劉氏等  
請旌表與例章不符未便覈準並申明舊  
章一摺奉 上諭所有節孝婦嚴劉氏等應  
行旌表之處著直隸總督飭令該地方官查明  
辦理嗣後各省應行旌表婦女仍照例由該  
督撫題請或由同鄉京官赴部具呈均著禮部  
照例覈辦其滿漢內外臣工概不準率行瀆請  
以符定制欽此欽遵各在案是旌表節孝  
例應由各該督撫題請並造冊送部查明年例  
相符方可歸入年終彙題辦理其赴部具呈者

必須七品以上實缺京官取結聲明臣部一面  
歸入彙題仍一面行查原籍以防冒濫如係夫  
亡殉節及割臂療親例不準旌之件或經該督  
撫題請或由都察院咨部均歸年終彙案請  
旨而因夫疾割臂者臣部皆徑行議駁至外  
省官員爲其親屬呈請旌表例無明文檢  
查從前辦過成案或其人實係寄居該省或曾  
在該省服官身後未能回籍亦必須由該省實  
缺地方官聲明何項親族方可呈請疊經臣部  
奏準通行乃自上年欽奉諭旨通飭內外  
臣工不準濫請各省督撫專奏附奏者仍復紛  
至沓來如果均係年例相符則善善從長朝  
廷原不欲顯爲駁詰但就各原奏詳加查覈大  
概不合例者居多而本年閏四月間河南巡撫  
邊寶泉請將曹張氏等七口請旌一片與  
例案尤爲歧異如原片內具呈各員除開封府  
知府李廷簫南陽府知府濮文暹尙係實缺其  
候補道焦駿楓候補知府王敬熙候補通判邱



步洲並非實缺人員所稱節烈各婦除宛平籍之前郊縣典史樊振圻進室金氏前河南西平縣知縣查以鈞之妾鄭氏係各該員服官省分其武清縣曹張氏等是否寄居該省與各該員等何項親族均未聲明且查鄭氏因查以鈞久病刲肱肉和藥以進與割臂療親者不同臣部疊經議駁有案更未便徑行覈準似此紛紛演請將照例題咨呈報之件必行查覈年例分別準駁而年例不符者反得希圖專奏冒乞恩施殊非慎重 旌揚之道臣等公同商酌所有各該督撫奏請 旌表貞孝節烈婦女除現在奉 旨允準應欽遵辦理外應請申明定例通行各省自接到此次奉 旨之日起凡貞孝節烈婦女應 旌表者均恪遵光緒十二年所奉 諭旨照例題請不得率行據呈入奏遇有本省官員爲親屬呈請者必實係州縣以上實缺其親屬實係寄居該省方可歸入彙題以昭覈實經此次申明例章後各該

督撫再有違例奏請者應請旨飭交臣部  
覆議歸入年終彙案辦理並將該督撫隨本附  
部議處

附一產三男 恩賞

民人一產三男折

賞銀一十六兩

戶部則例內載直省民人一產三男  
賞給本家米五石布一疋山西省

捕銀一十六兩

附同治四年護理巡撫王榕吉奏設採訪節孝局案

同治四年十一月護理巡撫王榕吉奏準在於省城崇節堂設立採訪節孝總局各州縣各設分局凡通省節烈婦女以及孝子悌弟均取具鄰右親族生員等甘結由學造具冊結報縣加結申送總局彙覈詳辦已故節婦列一冊現存節婦列一冊烈女貞女孝子等類各列一冊應得例

旌者謂之內旌如與例未符由巡撫給予匾額以表

門閭謂之外旌其現存節婦有未滿年限者先行造冊申詳總局備案屆時查取冊結覈辦謂之待旌應得內

旌者由縣將各冊結徑申總局詳請題咨後補行各府州備案其應得外旌待旌者卽取里鄰親族生員總結由學造具總冊結地方官加結徑申總局具詳以歸簡易至外省節孝婦女由同鄉官具結造冊舉報亦奏準

敕部按名覈覆計共採訪貞孝節烈婦女九千六百五

十一口孝子悌弟孝悌孝義孝友孝行義民一

百四十名均彙案具題奉

旨準其旌表

卷查同治四年十一月護理巡撫王行布政司照得夫婦乃人倫之始閨門爲

王化之基我

朝二百餘年深仁厚澤教化

涵濡凡位列諸紳身登黌序者靡不知砥節以

勵行移孝作忠卽窮簷嫠婦陋巷閨貞亦知志

勵冰霜心堅松柏或芳流彤管或名播青綢綽

楔增榮永垂祀典

國家之所以表潛德闡

幽光者至優且渥是以天下之大節婦烈女孝

子悌弟觀感所通著爲風俗卽遇干戈擾攘之

時仍不易其皦日堅貞之志在

朝廷固慎

重旌揚之典而官吏尤宜勤求博採之方三晉

民敦古處凡節義貞烈孝悌可風載之志乘固

已不勝枚舉第恐窮鄉僻壤尙多湮沒不彰推

原其故或因有司漫不經心或因學官任意積

歷甚至上下衙門書吏藉端需索輾轉稽延致令柏舟矢志之操不能卽時上達懿美弗彰深堪惋惜亟應在省設立總局廣爲採訪用彰懿德以垂不朽爲此行司立卽會同按察司在於省城崇節堂設立節孝總局遴委留心風化正佐各員專司其事凡有守節婦女實係年限與例相符者以及孝子悌弟貞女烈婦均準赴局呈報一面行文各府州縣一體設局延請端方公正紳董認真採訪限一月一報總局如外州縣紳民有被積壓需索不爲詳報者準其取具廩增附生等及族鄰甘結自赴省局呈明卽分別彙造總冊蓋用司道印信詳候覈辦其總局應用文移由司另刊鈐記以昭信守至咸豐三年南路被擾各州縣殉難婦女如有未經表揚者應行一體採訪據實詳報統限半年內竣事不得稍涉遲延惟事屬創始應如何認真採訪杜絕積壓等弊卽督同太原府暨陽曲縣妥議章程詳候本護院覈發告示總期民間不費一

錢不遺一善庶幾闡幽表微風俗蒸蒸日上用

副 朝廷維持風化之意並將發去告示稿

底照式刊刻刷印多張卽日呈請鈐印通頒所

屬無論城關鄉僻徧行張貼俾得周知可也計

發告示稿底一紙 爲表揚節孝以維風化事

照得風俗肇自倫紀王化基於閭門我 國

家 列聖相承萬方嚮化 朝有忠臣

野有義士表厥宅里樹之風聲或綿血食於千

秋或表心期於列傳以故觀感達於閭閻而風

化起於巾幗凡守節達三從之義盡孝端百行

之原礪日清霜不渝旦夕寒香晚翠獨矢幽貞

祠建露筋藥旌斷臂井有不波之水山成獨立

之峯 典舉旌揚風臻淑美是以松筠勁質

不奪於干戈擾攘之秋而冰雪清操更增夫日

月山河之色故 朝廷不憚屢詔恆塵一善

之遺而官吏恐未周知求廣多方之採三晉陶

唐遺俗質樸餘風恆欲鍾靈汾流浴德義夫節

婦代不乏人孝女貞姑行無弗著代山摩笄之

人陽曲葉館之士固已星辰共朗草木增榮矣  
第恐窮鄉僻壤爲採風之所不經卽有潛德幽  
光亦沒世而難必發言念及此惋惜殊深本護  
院責任撫綏兼司教化崇根本以彰懿行端趨  
嚮以淑民風爲此示仰閩省官幕紳民知悉或  
窮簷嫠婦截髮明心或陋巷閨貞沈流表志或  
聽離鴛而永矢或賦寡鵠而無渝荼苦薺甘或  
事堂上而雞鳴盡職斷機畫荻或撫膝下而燕  
翼成名或旅館愁雲故里橫烽而無告或空房  
淚雨孤雛委地而僅存凡茲典例之相符均爲  
朝章所必錄爰於省垣崇節堂設立採訪  
節孝總局並委留心風化正任各員以司其事  
行令各府州縣分局廣爲採訪統限一月一報  
以五年正月爲始期以半年歲事自示之後凡  
官幕紳民等各宜遵照刊發章程迅速舉辦務  
須確有見聞毋得濫行呈報鈔胥紙筆有司尙  
惜捐廉光寵里閭諸生定樂從事冀直諫而上  
達勿度閭而生塵庶幾享祀馨香芳標渾渙



我朝二百年之治化而和風甘雨永播休  
徵卽淑此邦億萬姓之民心而人紀天倫著爲  
美俗本護院實有厚望焉勉旃特示○又查同  
治四年十二月護理巡撫王榕吉批准署布政  
使鍾秀詳太原府知府李崇蟠督同陽曲縣知  
縣周雲翥詳呈節孝總局章程內開一此次省  
城設立採訪節孝總局各州縣亦設立採訪節  
孝分局原期一律闡揚凡通省節烈婦女以及  
孝子悌弟均準摘敘簡明事實取具鄰右親族  
生員等甘結由學造具冊結報縣加結申送總  
局彙辦省外赴各州縣分局具呈備結由學會  
同州縣中詳總局彙辦應令分別已故節婦列  
爲一冊現存節婦列爲一冊烈女貞女孝子等  
類各列一冊以清節目而便稽覈一定例節  
婦必須夫亡在三十歲以內病故者已通十年  
現存者已通二十年方準旌表是應得例  
旌者謂之內旌如守節年分已屬相符而夫亡  
在三十歲以外四十歲以內又或夫亡在三十

歲以內而未及十年旋卽身故者雖與例未符  
 而同此堅操勁節未便湮沒不彰擬令各州縣  
 查明另造一冊詳請憲臺給予匾額以表門閭  
 謂之外旌其現存節婦有未滿年限而實能苦  
 節自持者亦令各州縣查明夫故年月暨該氏  
 守節年分先行彙造一冊申詳總局備案屆時  
 查取冊結覈辦庶該婦等知姓氏上聞益堅志  
 節謂之待旌如此變通辦理則內旌外旌待旌  
 俱臻周密而嫠婦無不彰之節矣一婦女有  
 因夫逝而立時捐軀者謂之烈婦又有養親終  
 身守節不字者謂之貞女此外如童養待婿雖  
 未賦結褵而夫亡誓不改嫁者統謂之節婦應  
 令分別已故現存列入節婦冊內一體彙辦其  
 烈婦應將該氏身死月日及自盡情形詳細敘  
 明貞女亦必確有事實應將該貞女父兄姓名  
 及孝親情形逐一詳敘分別各立一冊以昭覈  
 實一咸豐三年粵匪竄擾晉境南路州縣殉  
 難婦女不少或聞賊入境先自捐軀或遇賊不

屈慘遭殺害雖經地方紳士轉請題旌第恐泉  
壤幽貞尚有未經表揚者應令南路被擾各州  
縣再行確查殉難情形男爲義民女爲烈婦敎  
明身死月日取其族鄰甘結申報總局彙辦以  
垂不朽 一孝子悌弟最爲難得如實係孝友  
盡倫門內一無閒言尤須徵諸事實確有見聞  
方準舉報另册覈辦不得徇情濫舉以期名實  
相符 一此次設立節孝總局原期窮簷陋巷  
無不表彰以免遺漏第恐鄉曲愚民不諳體例  
因擬定舉報節孝程式刊發多張行令各州縣  
於奉到憲示時分布四鄉張貼以期共曉一面  
遠集紳耆設立分局諭以此次舉辦節孝爲維  
持風化起見務須徧加採訪照式呈報其貧絕  
各戶尤宜加意訪求不遺一善凡應請旌表者  
各州縣每月無論採訪若干名定限二十日報  
局其續經採訪者歸入次月申報以期迅速儻  
有書吏故意稽延不卽轉報者許該紳民取具  
族鄰甘結自赴省局呈明聽候行查嚴辦 一

各屬舉辦節孝向由鄰右親族各具甘結一紙  
稟增附生彙具總結一紙再由儒學造具總冊  
加具總結報縣具詳由該管各府州加勘詳司  
轉詳院憲會同學憲彙題並咨禮部覈覆歷經  
遵辦在案此次擬請以應得內旌者仍取里鄰  
親族分結並生員等總結儒學總冊結由縣徑  
申總局彙辦詳請會同學院題咨以符舊制補  
行各府州備案其應得外旌待旌者即取里鄰  
親族生員總結由學按月造具總冊結會同地  
方官加結徑申總局覈辦具詳以歸簡易所需  
紙筆地方官捐廉辦理儻有書吏需索紙筆捺  
閑不報即將學官該管州縣從嚴懲處一總  
局設於省城之崇節堂遴選留心風化之正印  
二員佐貳三員專司其事並另委正印一員隨  
時稽察由司派撥諸練經書兩名貼書四名繕  
寫稿案所需委員薪水暨書吏飯食紙張等項  
擬請在於司庫公用項下按月支領凡移行文  
檄另刊司道總局關防一顆隨時鈐發至總局

中詳事件仍蓋用司道印信以昭慎重 一擬  
派正印委員二員佐雜委員三員每名月給薪  
水銀一十二兩應令在局設立廚竈即將所領  
薪水作為飯膳油燭之用俾常川在局認真督  
率以期依限蒞事並派經書二名每名月給辛  
力銀三兩貼書四名每名月給辛力銀一兩五  
錢每名各日給飯食錢一百五十文亦令在局  
造飯食用不準回家外出以免渙散偷安所需  
油燭紙張由經書暫行籌墊事竣稟由委員覈  
實請領給發其稽察之員擬即在於籌防局內  
遴委一員兼司其事毋庸議給薪水以昭撙節  
一省城設立節孝總局暨外州縣設立分局  
擬自同治五年正月起到至六月止統限半年竣  
事行令各屬迅速採訪按月一報不得稍有稽  
延惟節烈婦女不時舉報有現未限滿不數年  
而年例相符者歸入待旌辦理定為五年查辦  
一次庶幾隨時表揚以免積壓 一晉省節烈  
婦女向來各屬於上年舉報者俟次年四月開

由司彙覈具題今既設局採訪擬將本年所報節烈婦女暨設局後查明造報者統歸本年六月歲事詳請彙題其六月以外續報到司者仍歸入次年四月辦理以符舊章 一人倫之道莫重節孝今將節烈婦女均請 旌表庶身受者益勵貞操觀化者知所自矢於世道人心實有裨益查各省舉行節孝曾將某某事實編成一帙刊發各屬分布士民用資觀感名曰關幽錄今晉省設局廣爲採訪擬於事竣後按照原報事實將某某等如何守節如何盡孝詳細彙編一帙刊發各屬分布鄉閭作爲規鑑以備異日志乘之採將見化行俗美唐虞遺風於茲不墜矣 一外省官紳商民寄居晉省如有節烈婦女或因道路梗塞不克回籍呈報或本婦並無子孫親族俱準取具同鄉正印官印結赴局呈明應照本省辦法分別已故現存節婦烈女另立一冊庶免牽混○又查同治六年七月二十六日巡撫趙長齡奏準查晉省舉辦節孝

向係每年會題一次自設局採訪後名數與冊  
結較多應分四月十月兩次題達以歸簡捷其  
本年四月分舉報現存已故節婦孝子悌弟義  
民等項共四千四百九十一名口業經彙覈具  
題在案惟內有外省節孝婦女二十一口或因  
本婦子孫流寓在晉原籍道路梗阻不克回歸  
呈報或因原籍子孫零落經親友訪查明確代  
爲呈報均經取具同鄉官印結照例造具事實  
冊委係灼見親知絕無冒濫情弊第向辦所無  
事屬創始由節孝局司道會詳請奏前來臣覆  
覈無異合無仰懇

天恩俯賜

敕

部按名覈覆一面行文各原籍督撫轉飭各地  
方官遵照準其一體入祠建坊請免行查用勵  
幽操而資觀感○又查同治六年十二月禮部  
議覆巡撫趙長齡等題採訪貞孝節烈婦女五  
千二百八十一口孝子孝義孝友悌弟義民四  
十一名貞孝節烈婦女四千三百七十一口孝  
子孝義孝友孝行悌弟義民九十九名應請

旌表等因均奉

旨該部議奏欽此

欽遵到部議得山西所屬採訪貞孝節烈婦女  
宋郭氏等九千六百五十二口據該撫等詳慎  
覈實造具冊結到部內除家婢一口終身事主  
不嫁例無準

旌明文應毋庸議外餘均

旌

與表俟

命下之日臣部行令該撫轉飭各

該府廳州縣統計所屬烈婦烈女及阨窮貞節  
婦女若干口給銀三十兩官爲總建一坊題名  
其上毋庸按口給銀已故者節孝祠內設位  
致祭至原籍直隸遷安縣儒士薛燿之妻節婦  
徐氏等各建坊入祠之處俟

命下之日

應由臣部行文山西巡撫轉行各該氏本籍督  
撫飭令地方官照例辦理至山西所屬孝子閻  
茂等八十名悌弟戴璜等八名孝悌王菴等一  
十一名孝義張鑑等一十六名孝友郭景融等  
二十二名孝行孫菽一名義民段福臨等二名  
均與旌表之例相符應遵照奏定章程



令該撫轉飭查明該府州縣尚未建坊者給銀三十兩官爲另建總坊題名其上前經建坊者續行銷刻姓名於上切庸再給坊銀各本家自願建坊及紳士願在本州縣捐建者均聽其便已故者於忠義孝悌祠內設位致祭再此本向歸年終彙題合併聲明再查定例節孝貞烈婦女應旌表者由本籍督撫學政會同具題又同治三年議準節孝貞烈婦女流寓他省者準由寄居地方督撫學政具題等因在案今本年山西巡撫具題節孝貞烈婦女疏內有他省節婦數十口並非寄居山西該撫據其同鄉官舉報卽予題請旌表覈與例章不符惟該撫業經奏請

旨著照所請欽此除遵

勅部免其行查奉

旨辦理外

應請嗣後不得援以爲例庶免轆轤而昭覈實○又查同治六年十二月巡撫趙長齡批准布政使胡大任詳查各屬節孝請旌於同治五年設立總局凡有節孝貞烈婦女暨孝子孝

義悌弟以及外省官紳商民寄居晉省節烈婦女等項準由該管州縣認真採訪據實造冊徑詳到局覈明按月彙詳覈題在案茲查各項總局俱已改移所有各屬請  
照局中一切現辦章程由司  
按月覈實詳辦以符舊章  
旌事務應卽循

附 光緒四年 欽差部堂閫 巡撫曾

奏禁栽種罌粟案○光緒八年巡撫張  
奏禁栽種罌粟並設戒煙局案○光緒十  
一二三等年巡撫剛 申禁栽種罌粟案

光緒四年正月二十六日

欽差稽查山西賑務前工部右侍郎閫 巡撫曾

奏申禁栽種罌粟以裕民食

原奏內稱竊聞古者救荒

於臨時而實備荒於平日是以耕三餘一耕九  
餘三雖有旱乾水溢民無菜色從未有自種害  
人之物流毒於桑梓地方者也此次晉省荒歉  
雖曰天災實由人事自境內廣種罌粟以來民  
閒蓄積漸耗幾無半歲之糧倖遇凶荒遂至無  
可措手小民所恃以足食者有三曰天時曰地  
利曰人力查晉省地畝五十三萬餘頃地利本  
屬有限多種一畝罌粟即少收一畝五穀小民

因獲利較重往往以膏腴水田徧種罌粟而五穀反置諸磽瘠之區此地利之所以日窮也未種之先吸煙者不過游手無賴及殷實有力之家至於力耕之農夫絕無吸食洋煙之事今則業已種之因而吸之家家效尤鄉邨反多於城市昔之上農夫浸假變而爲情農矣又浸假變而爲乞丐爲盜賊矣查罌粟收漿之際正農功喫緊之時人力盡驅於罌粟良苗反荒蕪而不治此人力之所以日弛也地利既差人力又減因而時之在天者上熟僅得中稔中稔便若無麥無禾一遇天災流行遂至疲茶而不可救藥臣等竊觀晉省形勢南路重山複嶺絕少平原北路固陰沍寒每憂霜雹縱令全行播種嘉穀已不足給通省卒歲之糧况復棄田之半以種罌粟民食安得不匱省北大朔代忻及歸化七廳向來產糧尙多每年秋後糧販自北而南委輸絡繹不絕近至省城遠踰韓侯嶺昔年太汾二府米價低昂恆視北路之豐歉爲準由包頭

一路循河而下直達蒲絳近則鬻粟甚行北路沃野千里強半皆種此物畎畝豐夫吸煙者十之七八民間既少存糧採買立虞米貴此北路已種罌粟而今昔不同之情形也至於南路平蒲解絳以陝西米麥爲大宗汎舟之役自古稱盛乃自回匪削平以後種煙者多秦川八百里渭水貫其中夾渭南地尤肥饒近亦徧地罌粟反仰給於渭北夫以雍州上上之田流亡新集戶口未甚繁滋而其力竟不足以自贍平蒲解絳糧乏來源更成坐困之勢此西路已種罌粟而今昔不同之情形也北路之來源既少西路又自顧不遑僅向東南東陽關獲鹿一帶越太行而議轉輸腳費浩繁十倍糧價漕轉業已力盡而餓莩依然盈途民焉得而不困夫人窮莫不返本遇變必求其通居今日而欲爲晉省久遠之計非申明禁種罌粟舊禁不可惟民間相沿已久若專以此責之州縣既恐一州一縣之大牧令難於徧察且慮值此荒歲蠹役奸胥負

緣擾累臣等往返函商莫若出示令民間宗族  
房親鄉約里社自相箝制庶免衙門書差需索  
舞弊一族之中有種罌粟者責成族長率子弟  
拔除一甲之中有種罌粟者責成甲長押令拔  
除立即改種五穀以收東作西成之效如花戶  
人等意存梗化準該管族長甲長稟官究治如  
族甲長知情徇隱則罪其族長甲長如州縣官  
吏據爲利藪私自徵收罌粟畝稅一經查明立  
行參撤現已刊刻告示分頒各屬徧行張貼臣  
等不時遴選士類到處稽查儻有仍前栽種者  
準地方公正紳耆及族中品行端方者將種煙  
花戶秉公議罰以備里社之荒并準據實控官  
懲辦庶民間自相約束耳目最近覺察易周而  
衙門殘害鄉里之弊亦可稍除臣等爲晉省將  
來充裕民食豫備凶荒起見  
是否有當伏候  
聖裁  
二月初四日內閣

奉

上諭閩敬銘曾國荃奏申明栽種罌粟舊禁一摺民  
閒栽種罌粟大妨農食屢經嚴行禁止無如積習  
相沿每貪利而忘害如山西省地半磽瘠產糧本  
不見多又不按畝力耕私栽罌粟民間既少存糧  
一遇荒歉盡成餓殍該省此次慘罹旱災創鉅痛  
深當知變計嗣後務須盡力農作期於穀產充盈  
凶荒有備閩敬銘曾國荃現已出示曉諭所有栽  
種罌粟者責成族長甲長押令拔除改種五穀如  
花戶人等不遵稟官究治知情徇隱者罪之州縣

官吏私徵罌粟畝稅立予參撤各節均著照所議行並著各省按照此次章程一體嚴行查禁庶幾興利除害閭閻共樂豐登毋再蹈從前覆轍將此通諭知之欽此○光緒四年七月二十六日巡撫

曾 奏擬以後晉省如有栽種罌粟者一經

查出即將該戶所種罌粟地畝全數充公作爲各村本甲公業仍責令公正耆老社首經管以備地方公用儻各廳州縣稽查不嚴即將該管地方官分別撤參有能力禁而又不擾累閭閻



者飭司註冊獎勵

原奏內稱山右罌粟之弊曾經臣與前工部右侍郎臣閻

敬銘奏明重申嚴禁欽奉

諭旨在案嗣經

翰林院編修李用清周應各廳州縣稽查賑務就便察看罌粟旋據該編修緘稱各州縣自奉諭禁之後鄉民頗知悔悟所應之處種罌粟者較去年約減十之六七乘此大浸糧貴之時勸民政業可期事半功倍儻或失此機會往後前除更難等語臣查該編修所言甚有見解惟愚民無識非嚴懲重罰不能挽回錮習查兩江禁止罌粟有將地畝充公章程立法不甚苛擾最為民間所畏憚臣擬以後晉省如有栽種罌粟者一經查出即將該戶所種罌粟地畝全數充公作為各村本甲公業仍責令公正耆老社首經管以備地方公用儻各廳州縣稽查不嚴即將該管地方官分別撤參有能力禁而又不擾累閭閻者飭司註冊獎勵一俟奉旨俞允臣當會同閻敬銘刊刻簡明告示徧行張貼庶

冀淨絕根株他日再遇  
災荒不至重妨民食

八月十二日承準軍機

大臣奉

旨著照所議辦理該撫務當嚴飭地方官紳實力奉  
行毋得虛應故事欽此○光緒八年六月十二日

巡撫張

奏嚴禁栽種罌粟並設戒煙局延

醫購藥以冀廣起沈疴

原奏內稱晉民好種罌粟最盛者二十餘廳州

縣其餘多少不等幾於無縣無之曠土傷農以致畝無棲糧家無儲粟丁戊奇荒其禍實中於此然而覆轍相尋不知迷復議者或持不宜禁之說大率一由小見一由畏難然臣謂以地以時有不可不禁者四晉地瘠瘠產糧無多旱年本恃外省接濟自爲罌粟所奪蓋藏益空卽如

前此大侵垣曲產煙最多餓殍者亦最眾近日  
種煙之利以交城最盛而糧價亦以交城爲最  
昂賊民害稼確有明證此時若再不遏其流設  
有偏災豈堪設想此必禁者一也晉省山農多  
水利少種植罌粟之功倍於蔬卉偶有山溪水  
澇可資灌溉悉以歸之罌粟此物最耗地力數  
年之後更種他穀亦且不蕃夫僅有此區區難  
得之水利而養此毒民之物此必禁者二也晉  
省吸煙之癖官吏士民弁兵胥役以及婦人女  
子類皆沾染大率鄉僻居其十之六城市居其  
十之八人人尪羸家晏起怠惰頽靡毫無朝  
氣在官者不修其職食力者不勤其業循此不  
已貧者益貧弱者益弱數十年後晉其危乎惟  
種之者多故吸之者便此必禁者三也洋藥稅  
爲海關大宗今日方議重徵藉禁外販以爲坊  
民正俗之謀若內地不禁聽其蕃滋何以關遠  
人之口此必禁者四也查晉省罌粟之所以不  
能禁者一由於上官之禁弛不一朝令夕更一

由於官吏之視爲利源私收畝稅祛此二弊必  
有成效可觀臣愚以爲禁之有方行之有漸先  
膏腴而後磽瘠先腹地而後邊廳責之於鄉保  
毋徒付之於吏胥遏之於播種之先毋徒毀之  
於揚華之後力禁底擾嚴定考成感民以誠未  
有不動雖不能遠絕根株而少一畦之罌粟卽  
多一口之餘糧矣至於官生將卒臣已多方勸  
戒現仿李鴻章天津所設之戒煙局延醫購藥  
以冀廣起沈疴屬官中有嗜好廢事分別撤任  
停委勒限戒斷許令自新升勇勒限戒斷不悛  
者汰黜學校諸生由學臣隨時董戒六月十八  
冀以漸摩觀感徐收移風易俗之功

日奉

上諭民間栽種罌粟有妨嘉穀屢經嚴諭申禁仍著  
該撫隨時查察有犯必懲以挽頽俗等因欽此○

光緒十一年十一月巡撫剛 剴勸禁種罌粟

示 原文內稱照得晉省近年受害之深以罌粟  
為最曾經奏奉 諭旨飭禁並疊經厯任

撫院出示勸戒飭令各地地方官實力禁拔從嚴  
懲辦在案本部院以為爾等敢於冒禁偷種者  
不過為利起見豈知當此嚴禁之時一經偷種  
則本村之鄰族鄉保必從而刁難本地之劣紳  
土棍必從而嚇詐各衙門之家丁書差必從而  
勒索時時怕人知覺在在需錢彌縫而一己之  
所得幾何旁人之誅求無厭稍有不遂便遭陷  
害則爾等之所謂利者安在不幸被官查出照  
章懲辦輕則枷杖示眾羞見親朋重則地畝入  
官頓亡產業而事犯到官鎖押責罰又必須央  
人打點到處費錢則爾等之所謂利者又安在  
即幸而官不知覺收割到家而家中父兄妻子  
人等就便吸食成癮好喫懶作坐食山空勢必  
破產蕩家身受飢寒甚至流為匪類圖目前之

微利受終身之大害則爾等之所謂利者又安在通盤合計可見偷種罌粟一事不但利少害多且更有害無利與其耽驚受怕作此犯法之事徒教利歸人而害歸己何如安分守己改種五穀蔬菜並桑棉靛麻等物常守本分生涯不受眾人訛詐如謂洋煙價昂可以賣錢救急不知爾等果能以種罌粟之人工糞土改種五穀等物收穫既豐得利未嘗不厚試思晉省未種罌粟以前民間無不殷實迨種罌粟以後生計反覺艱難則此事之是利是害亦不可不言而喻矣現當冬煙下種之時直爲先事豫防之計本部院深憫爾等貪利忘害甘蹈刑愆故不憚苦口煩言先行勸誡除飭地方官仍照歷年章程查禁外合先出示勸諭爲此示仰通省軍民人等知悉自示之後爾等務體本部院諄諄勸諭之苦心彼此互相告戒力改前非已種者及早犁毀未種者勿再生心樂業安居勉爲良善儘敢意存僥倖再行偷種一經查覺或被告發定

當盡法懲辦決不姑寬此乃爾等身家利害關頭勿再執迷致貽後悔各宜懍遵切切特示

光緒十二年十月巡撫剛 再行剴勸禁種罌

粟示

原文與光緒十一年十一月示意略同

光緒十三年九月巡

撫剛 通飭各屬嚴禁偷種罌粟並發簡明告

示

原文內稱照得昔民偷種罌粟受害無窮曾經奏奉 諭旨飭禁並疊經歷任撫院暨

本部院嚴切出示飭由地方官認真查禁在案惟痼習已深遽難挽回本部院履任三年每年冬閒先期出示反復勸戒其不肯遽加懲治者原欲偷種之戶曉然於身家利害之攸關或可漸知悔悟痛改前非迺年來本部院南北巡閱留心訪查始知邨民畏法不敢偷種者固多而荒村僻壤零星種植者亦仍在所難免推原其故雖由愚民無知盲禁貪利實因地方官畏事

憚勞因循坐視或僅虛張示諭並不稽查或受  
丁書欺朦捏報盡淨迨至偷種已久轉瞬收漿  
地痞則以揭告爲挾制之方蠹役則以拔除爲  
需索之柄鄉民甘爲魚肉利未獲而害已深種  
種弊端深堪痛恨現當冬煙播種之際若不重  
申禁令力挽頽風爲害伊於胡底除分札兩司  
並清源局轉飭各該屬嚴切查禁外茲特撰成  
簡明告示隨札飭發爲此札仰該道府州轉飭  
所屬卽將發去告示各處張貼查照歷年飭辦  
定章嚴行申禁責成各村鄉約甲保隨時稽察  
種則立予拔除犯則嚴加懲責務將地方罽粟  
之害一律盡絕根株黨敢仍前玩泄任聽村民  
偷種一經遣人密查或由本部院來年查閱地  
方親身目覩定卽全行拔毀除將犯禁之民從  
嚴懲辦外并將地方官立予撤參而該府州不  
行督察舉發亦卽一體劾治總之本部院於種  
煙之害不啻三令五申儻再怙過不悛卽令執  
法從嚴亦不得怨本部院之不教而誅也該牧



令等身任地方務當共體此意力除積習與其  
拔除於後而責有攸歸何如勸禁於前而共安  
無事如告示不敷準由各該州縣照式刊印仍  
將奉札日期張貼處所暨查禁情形隨時稟報  
毋違此札 簡明告示 晉省屢遇災歉大  
半受害洋煙 諭爾農民人等 毋得再蹈前  
愆 趁此冬煙未種 正好耕作良田 無論  
桑棉五穀 均可禦備荒年 倘再偷種罌粟  
卽屬怙惡不悛 一經查出究辦 拔毀枷  
責從嚴 鄉約甲保不報 併究決不姑寬  
本院言出法隨 勿謂誥誡不先

附光緒十年署理巡撫奎 奏設桑棉局戒煙局案

光緒十年閏五月署理巡撫奎 奏準在於省

會設立桑棉局以來樹藝以綢紡織其東之平

定東南之澤潞南之平蒲解絳桑棉有而未盛

則亟漸推廣省北關外桑棉兩不相宜另求利

民各植物不限一格又於省城設立戒煙五局

局各一醫分排定額挨次就治

卷查光緒五年閏五月初五日

署巡撫奎

奏為接辦修濬文峪磁窯兩河工

程並開設桑棉戒煙各局應需經費請於善後

款內動支恭摺具陳仰祈

聖鑒事竊惟

省善後事宜經撫臣張之洞擇其緊要先後備

辦並已分別奏明在案臣謹就現在情形而論如修濬河工以消水患勸種桑棉以輔地利戒除煙癮以衛民生是三者亦皆善後切要之圖必應次第籌辦惟愚民可與樂成難與慮始情民狃於沿舊憚於謀新若非提倡舉行董率興事則凡利害所關欲聽民之自爲勢必畏難苟安難收實效幸撫臣早經規畫已引其端臣漸次舉行俾竟其結合將現籌辦法縷晰陳之太汾所屬文峪磁窯兩水農田利焉自文峪東徙並入磁河沿河各村又復攔壩賣水以致正河淤塞橫溢旁流上自文水縣之東西宜亭下至汾陽縣之申家堡二十餘村均成澤國幾於無歲不災訟爭無已當經印委各員疊次履勘於水性之順逆民情之公私一一體訪明確繪圖貼說稟請籌款興辦前來上年五月於文水境內堵張家莊決口所有抱河之隄護村之堰僅止擇要興修於汾陽境內築百金堡大堰疏宣柴堡淤塞其時亦因農忙工少爲急則治標之

計未竟全功嗣於十一月開辦上游自文水縣  
南北張家莊起迄汾陽縣之西河堡止就現有  
河槽挑挖文峪新河磁窯之水不令併入聽其  
仍行故道則蕭家莊等村仍可同沾水利本年  
五月開辦下游自西河堡起迄孝義縣之霍家  
堡止使全河通暢以達於汾不致停蓄潰決則  
申家堡等村自可永除水患通計上下游長共  
一百餘里深以六尺七尺爲度寬則三四丈至  
八丈不等此外磁窯河槽宋家莊壩文湖圈隄  
霍莊土埂均係要工亦擬一併修築其開寬河  
身兩旁閒有佔用民地酌給地價俟查明畝數  
另案奏請豁免應徵錢糧此文磁河工之大略  
也蠶桑木棉託業既正獲利尤豐曾經通飭試  
辦惟省城開風氣之先首邑爲百城之望自應  
先於省會設立桑棉局飭太原府陽曲縣辦理  
以來樹藝以蠲紡織並從外省雇取匠人購買  
機具由局試辦務期闡屬紳民皆來取法其東  
之平定東南之澤潞南之平蒲解絳桑棉有而

未盛則節。遂漸推廣。毋僅囿於一隅。省北關外風沙苦寒。桑棉兩不相宜。則節另求利民各植物。不必限以一格行之。數年辦有成效。卽遇年穀不登。亦可藉資生計。似亦備荒之一助也。近傳戒煙之法。致功最捷。惟醫則延自外省。藥則攻補並投。食則膏粱疊進。貧民無力措辦。爲難。上年省城次第設立三局。本年添至五局。局各一醫。分排定額。挨次就治。來者因藥料食品由局備具。不費分毫。且因去疾稍速。爭先恐後。相率改圖。卽距省遼遠。亦且絡繹而來。計每局每月頓起沈痾者。不下一二百人。因以見從前流毒之深。幾於沈溺不返。而現在改過遷善之衆。亦可知。舊染汚俗。何嘗不可轉移。以上三端。惟河工經費較鉅。查沿河之平遙介休等縣。商富尚多。聽其量力捐輸。不敷之款。應與桑棉戒煙各局經費一併由善後款內給發。但使文磁工成。糧田不至浸灌。桑棉事舉。沃土不至荒蕪。洋煙習除。士民不至游惰。是雖動款於目前。仍可

收效於異日晉省大祿以後興利除弊諸端似亦無逾於此應需銀兩請於善後項下動支並請援照奏準四天門等處路工成案免其專案報部統俟一律告竣卽由臣飭令清源局司道覈明確數歸入善後覈實造銷以省案牘所有接辦文峪磁窯兩河工程暨開設桑棉戒煙等局動用善後款項各緣由理合繕摺具奏